


27/4.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2714 8° (LN 314)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2714 8° (LN 314)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2714 8° (LN 314)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2714 8° (LN 314)

432 DA BOX

N^o 2714.



M. Müller fecit



LN 314

M


27/4.

1

ALCIN
PHILOSOPHI
DOCTRINAM
PLATONICAM
INTRODVCTIO.



HAFNIE
IN OFFICII TYPOGRAPHICI
M. M. LXXXIII



27/4.

1

ALCINOI
PHILOSOPHI,
AD DOCTRINAM
PLATONICAM
INTRODVCTIO.



HAFNIAE
IN OFFICINA TYPOGRAPHICA
Iohannis Stockelmanni & Andree
Gutteruuitz.

M. D. LXXIIII.



2774.

2

QVĪD PHILOSOPHIA;
ET QVALE INGENIVM
Philosophicum.
CAPVT I.


DRecipuarum Platonis institutionum, doctrina quædam eiusmodi constituatur. Philosophia est appetitio Sapientiæ; uel Solutio atq; auulsio animi à corpore; cum ad Intelligibilia, & ad ea, quæ uerè sunt, conuertimur. Sapientia uerò diuinarum humanarumq; rerum scientia. Philosophus autem est, qui ab ea, nomen accepit; quemadmodum à Musica, Musicus. Natura uerò, cum primum quidem ad Mathematica aptum esse oportet: ut ad eam cognitionem facilis & promptus sit, quæ est essentiæ non incertiæ aut fluentis; sed in solam intelligentiam cadentis. Deinde ad Veritatem ita se habere, ut hanc amet, & ab omni mendacio abhorreat. Natura præterea quodammodo temperantem esse, & parte animæ quæ affectibus effertur domita contrafactq;. Quoniam Mathematicum auidus, circa ea, & ad ea, quæ uerè sunt, appetitionem suam conuertens, uoluptates corporis non admirabitur. Futurum quoq; Philosophum animo liberali esse oportet. Quia rerum uilium

A 2 affecta-

affectatio, maximè contraria est animo, diuina & humana contemplaturo. Illum insuper ad Iusticiam natum esse oportet. siquidem & ad Veritatem, Liberalitatem atq; Temperantiam. Adesse quoq; ei ingenij docilitatem, & Memoriam. Quia hæc Philosophum informant. Ad quas Naturæ dotes, cùm recta institutio & educatio decens accesserunt, perfectum ad Virtutem declarant: neglectæ uerò illæ, maximorum malorum causæ sunt. quas uocis cum ipsis Virtutibus communione, Temperantiæ, Fortitudinis & Iustitiæ nominibus Plato solet exprimere.

*Duas esse Vitæ humanæ partes: & in
utrisq; quomodo versari Philosophum;
quidq; eundem Contemplationi,
quid Actioni tribuere
oportet.*

CAP. II.

 *M* verò sit duplex vita, Contemplatiua uidelicet & Actiua Contemplatiuæ, quod potissimum est, id in Veritatis cognitione consistit: Actiue autem in actione eorum quæ Ratio præscribit. Honoranda quidem uita Contemplatiua: huius uerò assecla et necessaria, Actiua existit. Id uerò ita esse ex ijs declarabitur. Contemplatio, est actio Intellectus

2774.
Intellectus Intelligibilia intelligentis. Actio uero,
Animæ rationalis functio, corporis ministerio exple-
ta. Animus namq; ipsum Diuinum, huiusq; ratio-
nes contemplans, benè affici dicitur. Atq; hæc eius
affectio, Sapientia est nuncupata. quam quidem ni-
hil aliud, quàm cum ipso Diuino similitudinem, rectè
dixeris. Quamobrem illa est primaria ac ueneran-
da, & maxime omnium expetenda, hominiq; pro-
pria, non impedita, quo minus in nostra potestate sit,
atq; finis nobis propositi causa. At Actio & ad agen-
dum uis, cum corporis ministerio utantur, impediri
possunt. Philosophus tamen, postulantibus ita re-
bus, aget & ipse; & quæ contemplando meditatus
est, ea ad hominum mores usumq; transferet. Ad
Rempub. enim ueniet, cum eam ab alijs malè regi sen-
serit: adiuncta hæc existimans; exercitum ducere,
iudicia exercere, legationes obire. præcipua uero in
Actione, & inter ea quæ ad Actionem pertinent,
sunt: leges condere, uitæ ordinem præscribere, in se-
ditione atq; iuuenili disciplina. Ex quibus intelli-
gitur, omninò non decere Philosophum à Contempla-
tione deficere; sed eam semper nutrire atq; augere:
ad actionem tamen, utpote quæ illi subseruit, non
nunquam accedere.

*Philosophia in partes tres distribuitur:
deinde hæ singulæ in alias
subdiuiduntur.*

A 3

Cap.

Cap. III.




Philosophi autem studium, ut
Plato uoluit, in tribus uersari uide-
tur. In eorum, quæ sunt, Contem-
platione & cognitione: in actione
honestarum in Rationis & Orationis considera-
tione. Diciturq; eorum quæ sunt cognitio, Con-
templatiua: aliorum quæ ad actionem pertinent,
Actiua: quæ circa Rationem & Oraionem, Diale-
ctica. Hæc autem distribuitur, in uim diuidendi,
definiendi, Inducendi & Ratiocinandi. Rursumq;
postrema, in Apodicticam, id est, demonstrati-
uam (quæ circa necessariam Ratiocinationem uer-
satur) in Epicherematicam, (quæ circa ratiocinatio-
nem probabilem) tertio, in quæ circa Enthymema,
quod est Ratiocinatio imperfecta: ac deniq; in Sophis-
mata: quæ quanquam Philosopho non sunt eligenda,
sunt tamen necessaria. Porro, Actiua, partim circa
familie præfecturam: partim, circa ciuitatem & hu-
ius salutem: quarum prima Moralis dicitur: secunda,
Domestica; tertia, Ciuilis. In Contemplatiua autem,
quod causas immobiles primasq; & quæcunq; diuina
sunt, inuestigat; Theologia appellatur. quod uerò
Astrorum motus, conuersiones & restitutiones in in-
tegrum, atq; ipsius Vniuersi coagmentationem inqui-
rit; Physica, hoc est Naturalis scientia, dicitur. quod
uero Geometriam reliquasq; disciplinas spectat,
Mathema

Mathematicum appellatur. Atq; cum Philosophie distributio sit eiusmodi: de Dialectica primo loco dicendum; quid de illa Plato sentiat: inprimisq; de eo quod Criterium siue Indicatorium nominatur.

*De Criterio, & viribus Animæ ad
Iudicium pertinentibus.*

C A P. IIII.

 *oniam est quiddam quod iudicat, & quiddam quod iudicatur; erit etiam aliquid quod ex utrisq; perficiatur: quod propriè, Iudicium uocare possis. Hoc idem propriè dictum Iudicium, possit quis appellare, Indicatorium. Sed his communius est ipsum Iudicans. Hoc autem duplex: unum, A quo; alterum, Per quod, iudicatur. quorum illud, Intellectus est: hoc, instrumentum naturale ad iudicandum accommodatum. quod primò Verorum est, deinde etiam Falsorum. neq; aliud quicquam est, quàm Ratio Naturalis. Apertius autem hoc in ijs quæ sunt. Iudex quidem dicatur Philosophus, à quo res ipse diiudicantur: itemq; & Ratio, per quam Verum diiudicatur, quod modò instrumentum diximus appellari. Duplex autem*

A 4 Ratio



1 7 p
2 l
3 l

Ratio est: una quidem quæ omnino incomprehensibilis, & certa: altera, secundum rerum cognitionem infallibilis. quarum prior in Dei potestate est, hominis uerò minimè. Posteriores etiam homo potest assequi. Sed hæc quoque duplex est. una quidem circa Intelligibilia: altera, circa sensilia. quarum quæ circa Intelligibilia occupatur, ea scientia est & Ratio scientiam gignens. quæ uerò ad sensilia refertur opinionis effectrix est, & opinio. Quare ratio scientifica firmorum est & stabilium: utpote quæ de firmis & stabilibus principiis. Ratio autem uerisimilis & opinionum effectrix, maximè est probabilium: quoniam circa constantia non uersatur. Scientiæ autem circa Intelligibilia, & Opinionis circa sensilia, principia sunt Intellectio & sensus. Sensus autem est affectio animæ, per corpus, internuntia primò facultatis perpeffæ. Quando uerò in anima per sentiendi instrumenta sentiendo inprimitur rei species (nam in eo sensus consistit) si ea, propter temporis diuturnitatem non euanescat, sed constans & diuturna seruetur: eius conseruatio, Memoria nuncupatur. Opinio uerò est Memoriæ & sensus complexio. Cum enim in sensibile quiddam primò incidimus, ab eoque in nobis sensus efficitur, & à sensu Memoria: si postea idem nobis occurrat, superiorem memoriam, cum iterato hoc sensu componimus, & in nobis ipsis iam dicimus, exempli gratia, Socrates, Equus, Ignis, ceteraque eiusmodi. atque hoc, Opinio appellatur: quando ita superiorem Memoriam cum recente sensu com-

Intellectus Mens utriusque ponimus.

doctrina } Ratio *diuina*
magis } *in naturalibus* { *quæ uelut*
magis } *sensus communis* { *sensu communis*
sensus communis
sensoria sensus.

Tempus *profectus* *Ratio* *et* *Sensus*
finis *plenus*

ponimus. atq; ubi hæc inter se consonant, opinio uera
 existit: si uero illa dissonant, eadem dicitur esse fal-
 sa. Nam, si seruans Socratis Speciem natam ex eo,
 quod aliquando cum illo sit congressus, Platoni occur-
 rens, putet se ob quandam similitudinem, Socrati
 rursus occurrere, ac postea Platonis sensum uelut à
 Socrate haustum, cum Socratis memoria componat,
 opinio falsa existit. Id autem in quo sensus atq; Me-
 moria fiunt, cum cerea tabula Plato comparat. Cum
 uerò quæ per Memoriam & Sensem opinione con-
 cepta sunt, animus cogitatione sibi iterum effingens,
 ita in hæc respicit, uelut in illa à quib. ista manarunt:
 functionem eiusmodi, Picturam quandam, ac inter-
 dum Imaginationem, idem nominat. Cogitationem
 autem uocat Animi ipsius ad seipsum, quasi colloqui-
 um, sermonem, id quod ab ipsa cogitatione cum uo-
 ce per os effluit. Intellectio autem est actio Intelle-
 ctus, prima Intelligibilia contemplantis. Atq; hæc
 quoq; duplex esse uidetur: una, animi Intelligibilia in-
 tuentis, priusquam cum corpore coniungatur: altera,
 eiusdem, cum in hoc suum corpus descenderit. Illa
 quidem priusquàm anima iuncta esset corpori $\nu\omicron\kappa\iota\varsigma$
 id est Intellectio uocabatur: nunc uerò corpori iun-
 cta, quæ tum dicebatur $\nu\omicron\kappa\iota\varsigma$, id est Intellectio, nunc
 $\phi\rho\upsilon\sigma\iota\kappa\acute{\eta}\ \epsilon\upsilon\nu\omicron\iota\alpha$, id est naturalis cogitatio uocatur:
 quæ Intellectio quædam est, Animi nunc corpori al-
 ligati. Quoties igitur Intellectionem, scientificæ Ra-
 tionis principium esse dicimus; non eam quam nunc
 proposuimus, intelligi uolumus: sed illam potius, quæ

A S

animo

animo à corpore soluto conuenit: quæ quidem ut diximus, nunc intellectio, nunc naturalis cogitatio nuncupatur. Atq; hæc ipsa naturalis cogitatio, simplex scientia, tum animi ala, tum etiam Reminiscencia ab eodem nominatur. Ex ijs autem simplicibus scientijs constat naturalis scientificaq; ratio, quæ secundū Naturam inest. Cum itaq; sit & sciens & opinans Ratio, itemq; Intellectio & Sensus: necesse est & his obiecta quedam existere, qualia sunt Intelligibilia, atq; Sensibilia. Et quoniam in Intelligibilibus, quedam prima sunt, ut Ideæ: alia secunda; ut Species, quæ in materia sunt, & ab hac separari non possunt: Intellectio quoq; duplex erit; primorum una; altera secundorum. Et quia ex Sensibilibus, quedam prima sunt, ut Qualitates; ceu Color, albedo: alia, per accidens; ut Album, Coloratum; post hæc uero quod concretum est; ut Ignis, Mel: eadem ratione, sensus primus, primorum erit; secundus uero secundorum. Atq; prima Intelligibilia, Intellectio diiudicat, non sine ratione scientifica per comprehensionem quandam, sine discursu. Secunda uero, scientifica ratio, non sine Intellectione. In sensibilibus autem ea quæ prima sunt, sensus discernit, non sine ea ratione quæ cum opinione est coniuncta. Id uero quod concretum est, eadem Ratio; sed non sine sensu. Cum igitur Mundus intelligibilis, primum sit intelligibile: hic uero sensibilis, concretum quiddam & coagmentatum: illum Intellectio cum ratione diiudicat, hoc est non
sine

sine ratione : hunc , ratio cum opinione coniuncta ,
non sine sensu. Et cum Contemplatio sit , nec non
& Actio : recta ratio haud eodem modo , discernit
ea , quæ in Contemplationem & quæ in Actionem ca-
dunt. sed in Contemplatione , quid uerum , quid aliter
se habeat , exquirat : in ijs autem quæ ad Actionem
pertinent , quid proprium , quid alienum , & quid id
quod agitur. Ex eo enim quod natura insitam ho-
nesti boniq; notionem habemus , ratione utentes ,
nosq; referentes ad illas naturales notiones uelut ad
definitos quosdam modos , hoc ne an illo modo , se ha-
beant ea quæ in deliberationem cadunt , diiudicamus.

*Quæ sint Artis Dialecticæ propria
Elementa , quæ ad Definitionem , Diui-
sionem , Analysin , Inductionem & Ra-
tiocinationem pertinent.*

C A P. V.



IN Dialectica hoc potissimum Plato
esse putat ; ut primum , rei cuiusq; es-
sentia consideretur : deinde ea quæ il-
li accidunt. Quid autē unumquodq;
sit , exquirat ; uel à superioribus , di-
uidendo atq; definiendo ; uel ab inferioribus , resol-
uendo. Accidentia uerò & quæ essentijs insunt : uel ex
ijs quæ continentur , per Inductionem : uel ex ijs
quæ continent per Ratiocinatione . Vt merito
Diale-

Dialecticæ membra sint, Diuisio, Definitio, Resolutio & præter has, Inductio & Ratiocinatio. Diuisio quidem, alia est Generis in Species sectio: alia, totius in partes; ut cum Animam, in partem rationalem, & in alteram, cui affectus insunt: hancq; rursum, in Irascibilem uim & Concupiscibilem. Alia Diuisio, est uocis in significata; quando unum idemq; nomen pluribus rebus accomodatur. Rursumq; alia Accidentium in Subiecta: ut cum dicimus, de bonis, quedam ad animum pertinere: quedam ad corpus: quedam externa esse. Alia, Subiectorum in Accidentia: ut cum dicimus, hominum quosdam esse bonos, nonnullos malos, alios his medios. Diuisione igitur Generis in Species utendum est, ad cognoscendam rei cuiusq; propositæ essentiam, quæ absq; Definitione fieri nequit. Definitio uerò ex Diuisione hoc modo nascitur. Rei Definiendæ Genus sumendum; ut hominis, Animal: deinde hoc, per proximas differentias secundum, usq; ad Species descendendo; ut in Rationale & Irrationale: Mortale & Immortale. Sic enim, si proximæ differentie Generi adiiciantur, ex ijs, hominis Definitio constituitur. Analysis tres Species habet: unam, qua à sensibus ad prima Intelligibilia ascendimus: alteram qua progredimur ex demonstratis & subdemonstratis ad indemonstratas & immediatas propositiones: tertiam, ex suppositione ad ea principia, quæ sine suppositione summuntur. Prima quidem est eiusmodi: ut si à Pulchro, quod in corporibus

rib. cernitur, ad id quod animarū est, transcendamus:
 ab hoc, ad aliud, quod in uitæ officijs; inde, ad id quod
 legibus continetur; tandem ad eius immensum pela-
 gus: ut ijs gradibus quod reliquum est, hoc est, ipsum
 Pulchrum, assequamur. Secunda autem Species Ana-
 lyseos talis est. Supponendum est id quod queritur,
 quæ illo priora sunt consideranda, eaq; demonstra-
 da, à posterioribus ad priora progrediendo; donec
 ad primum & id quod in confesso est perueniamus:
 à quo rursus incipientes ad quesitum, compositionis
 modo regrediamur. ut quæro, An immortalis sit Ani-
 mus? Atq; hoc ipso supposito, inquirō, An idem
 semper mobilis. eoq; demonstrato, inquirō ulterius,
 An semper mobile per se moueatur? idq; etiam cum
 demonstrauero, amplius considero, An per se mobi-
 le, principium sit motus? Atq; hoc quoq; deinceps,
 Vtrum principium sit ingenitum: quod quidem ut
 ratum ponunt. Ingenitum enim Incorruptibile est.
 A quo ueluti à manifesto incipiens, Demonstrationē
 eiusmodi componam. Si principium ingenitum &
 incorruptibile, principium motus per se mobile. per
 se autem mobile, Anima. Incorruptibilis igitur, in-
 gentita & immortalis Anima. Ex suppositione uerō
 Analysis talis est. Quisquis aliquid inuestigat, illud
 ipsum supponit. Deinde quid ad suppositum sequa-
 tur considerat. Posthæc, si suppositi ratio reddenda
 sit, aliam suppositionem assumens, querit, Vtrum
 quod prius suppositum fuerat, rursus ad suppositio-
 nem

nem consequatur: idemq; facit: donec ad principium
quod non supponatur, peruenia.

Inductio autem est, omnis secundum rationes
uia, uel à simili ad simile progrediens, uel à Singulis
ad Vniuersa. Vtilissima autem hæc Inductio est, ad
excitandas notiones ab ipsa Natura insitas. Oratio=
nis eius quam Propositionem uocamus, species duæ
sunt: una quidem Affirmatio; altera Negatio. Af=
firmatio hæc est, Socrates ambulat: Negatio hæc,
Socrates non ambulat. Ex Affirmationibus autem
et Negationibus, quædam Vniuersalis est: quædam
particularis. Particularis affirmatio, talis, Quædam
uoluptas bonum: negatio, Quædam uoluptas non
bonum. Vniuersalis affirmatio eiusmodi, Omne turpe
malum: Negatio, Nullum turpe bonum. Ex Propo=
sitionibus quædam Categoriæ sunt, aliæ Hypotheti=
cæ. Categoriæ, quæ simplices, ut, Omne iustum bo=
num. Hypotheticæ, quæ uel consecutionem, uel repu=
gnantiam quandam declarant. Ratiocinandi uerò,
artem Plato adhibet, arguens et demonstrans. Ar=
guens quidem, ea quæ falsa sint interrogando: demon=
strans autem uera docendo. Est autem Syllogismus
seu Ratiocinatio, Oratio, in qua quibusdam positis,
aliud ab ijs, uel tamen eorum quæ posita sunt, necessa=
riò efficitur.

Ratiocinationum, quædam Categoriæ sunt: aliæ
Hypotheticæ: nonnullæ ex illis mixtæ. Categoriæ,
quarum tam Sumtiones, quam Conclusiones, Catego=
ricæ

ric
tic
ge
Ra
ad
So
pr
Hi
fig
mi
Sec
Te
no
an
At
da
Ius
sur
nu
qu
du
pa
pa
tur
tas
me
ne

rica sunt Propositiones. Hypothesica, quæ Hypothesicis Propositionibus constant. Mixta, quæ utriusque generis complexionem habent. Vtitur autem Plato Ratiocinationibus demonstrantibus, in Dialogis quæ ad explicationem pertinent: Probabilibus, contra Sophistas & iuvenes: Contensiosis autem, in eos qui propriè contensiosi dicuntur; ut in Euthydemum & Hippiam. Cum uerò Categoricarum ratiocinationum figuræ tres sint. prima dicitur, in qua communis terminus, de hoc quidem prædicatur, illi, uerò subijcitur. Secunda, in qua idem terminus de utrisque prædicatur. Tertia, in qua, ille idem, utrisque subijcitur. Terminos dico, propositionum partes; ut in hac, Homo est animal, Hominem & Animal terminos appellamus. Atque in prima figura Plato disputat, itemque in secunda & tertia. Et in prima quidem sic in Alcibiade. Iusta, pulchra sunt: pulchra, bona: iusta ergo bona sunt. In secunda; ut in Parmenide. Quod partes nullas habet, nec rectum, nec rotundum est. at quicquid figuræ est particeps, aut rectum est aut rotundum. quod ergo partes non habet, figuræ nullius est particeps. In tertia sic, eodem libro, Quod figuræ participat, Quale est: quod figuræ participat, finitum: quod ergo Quale est, finitum est.

Ratiocinationes autem Hypothesicas, interrogatas ab eodem, libris multis deprehendemus; & maxime in Parmenide. Si non habet partes ipsum Vnum; nec principium, nec finem, nec medium habet. si neque;

neq; principium, neq; medium, neq; finem habet,
nec terminum habet. si terminum non habet, neq;
figuræ ullius est particeps. Ergo si non habet partes
ipsum Vnum, nullius figuræ est particeps. At in se-
cunda figura Hypothetica (quæ plurimi tertiam no-
minant) in quo scilicet medium commune, extrema
utraq; sequitur, in hunc modum interrogat. Si non
habet partes, ipsum Vnum; neq; rectum est, neq; ro-
tundum. si figuræ est particeps, aut rectum est aut
rotundum. quare, si partes non habet, nec figuræ ul-
lius est particeps. Quinetiam ad tertiam figuram
(quæ nonnullis secunda est, in qua communis termi-
nus, antecedit) in Phædone sic interrogat. Si scienti-
am ipsius æqualis adepti, nunquam obliuioni tradi-
dimus, perfectò scimus. Si autem obliti sumus, recor-
damur. Mixtis item Argumentationibus, quæ per
consequentiam procedunt, utitur, hoc modo. Si
unum totum est, & finitum, hoc principium & me-
dia finemq; habens; figuræ etiam erit particeps. Ve-
rum autem Antecedens. Verum igitur Consequens.
Aliarum autem quæ ex consecutione eueniunt diffe-
rentiæ, sunt ex eo ipso considerandæ. Quando quis
igitur perfectas habet Animæ facultates, hominumq;
differentias, & orationis formas, quas varijs uariè
accommodet, acuteq; sentit, quis, quibus rationibus
& cuiusmodi, persuaderi possit: hic, si nactus fuerit
occasionem ad usum accommodatam, perfectus erit
Orator, eiusq; Rhetorica, scientia benè dicendi me-
ritò nuncupabitur.

Sophisma

Sophismatum quoq; & captionum rationem,
modo propius intueamur, in Euthydemō à Platone
significatam deprehendemus. siquidem eo & quæ se-
cundum uoces, & quæ secundum res ipsas, sophis-
mata committuntur, harum explicationes indicantur.
Atq; etiam decem Categorias, tum in ipso Parmeni-
de, tum in alijs Dialogis quasi adumbravit. Etimolo-
giæ autem formam uniuersam in Cratylo est com-
plexus. Et planè hic uir perfectus & admirabilis in
definendo & diuidendo: quæ in illo uim Dialecticæ
maximam declarant. In ijs uerò, quæ in Cratylo
traduntur, illius mens est eiusmodi. Quærit naturæ
nomina constent, an Positione: atq; statuit nominum
rectitudinem Positione constare: non tamen omninò,
neq; ut sors tulit: sed ita, ut eiusmodi Positio, naturæ
rei sit consentanea. Non enim esse aliud nominum re-
ctitudinem, quam institutionem, cum rei ipsius natu-
ra conuenientem: neq; quamlibet positionem ad recti-
tudinem nominis satis esse: neq; uerò naturam, aut
in hac, primum uocis sonum: sed quod ex utrisq; com-
positum est: ut quoduis nomen ponatur, rei familia-
re & proprium. Non enim si quodlibet nomen ad
rem quamuis, temerè adhibeatur, rectè significat: ut
si homini, nomen equi imponamus. siquidem loqui,
actio quædam est. quare, non quouis modo quis lo-
quatur, rectè loquitur: sed si loquatur ut rerum ipsa-
rum natura postulat. Quoniam uerò loquutionis
quædam pars est, rei nominatio; quemadmodum &

B

oratio

orationis pars, ipsum nomen: recte uel non recte no-
men impenere, haud sane cuiuslibet institutionis erit;
sed eius, in qua nomen cum ipsa re naturali, quandam
cognitionem habebit; isq; rectus erit nominum condi-
tor, qui iisdem, rei naturas exprimet. Nam rei instru-
mentum nomen est: non quodcunq; sorte datum, sed
naturæ consentaneum: eodemq; res inter nos commu-
nicamus & discernimus. Quo fit ut nomē, instrumen-
tum sit docens ac discernens rei cuiusq; substantiam:
quemadmodum Textoris radius, telæ. Ad Dialecti-
cum hoc etiam pertinebit, nominibus recte uti. Ut
enim radio Textor utitur, propriam eius functionem
agnoscens, cum illum faber efformauerit: haud secus
Dialecticus, nomine utetur, quod nominum conditor,
ut decet effinxit. Etenim clauum conficere fabri est:
eo autem recte uti, Gubernatoris officium. Sic quoq;
nominum institutor, recte nomina statuet, si id fece-
rit quasi præsentē dialectico, ut eo, qui perspectas
habet rerum subiectarum naturam. Atq;
id quidem quod Dialecticum, ad
hunc modum sit de-
scriptum.

*Aggreditur secundam Philosophiæ
partem, quæ in Veritatis contemplatio-
ne con-*

ne consistit. Cuius cum tres alie particulae sint, eam primo loco ex Platone describit, quae artes Mathematicas continet.

CAP. VI.

DEinceps autem de Contemplatiua Philosophia dicemus. in qua quiddam est Theologicum, aliud Physicum, aliud Mathematicum. Theologici finis est, cognitio primarum causarum, & earum quae sunt supremae ac principes. Physici, discere quae Vniuersi natura sit; & quale quid animal, Homo: quem locum in Vniuerso habeat. Num Deus omnibus provideat; an etiam huic Dij quidem alij subiecti: aut quomodo homines ad Deos sese habeant. Mathematici uero finis est, planam, & in tres dimensiones porrectam naturam cognoscere, & motus & lationes quomodo se habeant exquirere. Mathematici autem studij Speculatio summatim subiiciatur. Haec à Platone assumpta est, ad cogitationis discurrentis acumen, quo animus acuitur, & ad contemplationem eorum, quae sunt, accuratam subtilitatem praebet. Cuius pars ea, quae circa numeros uersatur, non uulgarem facilitatem parit ad ascensum ad id quod Est; sed propemodum liberat errore et ignorantia, quae circa haec sensilia uersantur, et adiumentum

adfert ad Essentie cognitionem. Atq; ad bella geren-
da promptum reddit, per eam peritiam quæ ad struen-
dam aciem est necessaria.

Quod autem Geometriæ est, idem quoq; ad ip-
sius Boni cognitionem accommodatissimum. cum quis
non actionis causa hanc persequitur; sed ut ad id quod
semper est, ascendat: non ut in ijs quæ oriuntur &
& intereunt, uersetur. Vtilissima etiam est ad actio-
nem. Post secundum augmentum consequens eius
Contemplatio, quod tertium augmentum suscipit.
Vtilis præterea ut quarta quædam disciplina, Astro-
nomia est; per quam, in cælo, huius astrorumq; mo-
tus contemplabimur: & diei ac noctis opificem, men-
sum item & annorum. Ex quibus secundum fami-
liarem uiam, uniuersorum Opificem inquiremus; ab
ijs disciplinis, tanquam aliquo fundamento, quasi ab
Elementis ascendentes.

Musicæ quoq; rationem habebimus, ad ea ipsa audi-
tum adhibentes. Ut enim ad Astronomiam, oculi da-
ti sunt: sic auditus ad concentum. Utq; in Astrono-
miam incumbentes, ac ijs quæ oculis percipiuntur ad
inaspectabilem & intelligibilem essentiam deduci-
mur: sic concinnam uocum harmoniam audientes, per
hæc ipsa quæ in sensum aurium cadunt, ad ea quæ In-
tellectu percipiuntur, ascendimus. Ut nisi hoc animo
istas disciplinas persequamur, in uanum nostrum stu-
dium & inuilis labor sit futurus. Oportet enim acu-
te ab ijs quæ uidentur & audiuntur, ad illa progredi
di quæ

di quæ sola intelligentia cernuntur. Siquidem harum
 disciplinarum speculatio, ad contemplationem eo-
 rum, quæ sunt, præludium quoddam est. Geometria
 quippe & Arithmetica, & qui eas colunt, ad Eius
 quod Est, cognitionem, uiam affectant. sed circa id
 multi somniantibus sunt similes; nec in eo reuera
 quicquam consequi possunt. quoniam ignorant ipsa
 Principia, & quæ ex ijs orta sunt. nihilominus tamen
 ad id quod dictum est, utilissima sunt. Ideoq; nec eius-
 modi disciplinas, Plato, Scientias esse dixit. Diale-
 ctica quidem Methodus, ita comparata est; ut per
 Geometricas Hypotheses, ad prima potissimaq; prin-
 cipia, quæ ex Hypothesi non sumuntur, assurgat. quæ
 propter Dialecticam, Scientiam appellauit. Mathe-
 matica uerò, non Opinionem; quod clariora sint
 quàm Sensibilia; neq; rursus Scientiam; quia obscurio-
 rasunt primis Intelligibilibus: sed Opinionem, cor-
 porum esse dicit; Scientiam, Primorum; cogitationis
 discursum, Mathematicorum. Ponit quoq; Fi-
 dem & Imaginationem: Fidem quidem, Sensilium;
 Imaginationem uerò, imaginum & uisorum. Quoni-
 am uerò Dialectica disciplinarum omnium potentissi-
 ma est, quod circa diuina constantiaq; uersetur: id-
 circo, illa, Mathematicis superior statuitur,
 uelut lorica quædam, & reliquarum
 custodia.

De tribus Vniuersæ Naturæ Principijs, & primum, de Materia.

C A P. VII.

DOST hæc sequitur, vt de Principijs, & de his quæ sunt Theologica Speculationis, differamus; à primis ducto initio, & ab ijs ad Vniuersi generationem descendentes: tandemq; desinentes in hominum procreationem atq; naturam. Ac primum de Materia dicamus. Hanc, fictioni subiectam, omnium receptaculum, nutricem, matrem, ac locum nominat: atq; subiectum sine sensu tractabile, adulterinaq; ratione comprehensibile. Eius autem proprium esse uult, ut omnes rerum generationes suscipiat, ac nutricis instar foueat: omnes item formas recipiat, cum suapte natura, omnis Formæ, & Qualitatis ac Speciei sic expers. Talia uerò in ea, tanquam in tabula effingi, ab ijsdemq; hanc informari, cum nullius propriæ figuræ qualitatisue sit particeps. Neq; enim esset ad uarias rerum formas & impressiones commodè præparata, nisi Qualitatis esset expers, & omnium earum formarum, quas debet excipere. Siquidem uidemus eos, qui ex oleo, unguenta parant odore suauia, oleū quærere, quod maxime omnis odoris sit expers; uel qui in cera aut argilla, rerū figuras uolunt effingere, illa præmollire, atq;

atq; sine ulla figura exhibere. Conuenit igitur Materie omnium capaci. ut si modò Formas omnes susceptura sit, nullam earum naturam habeat: sed Qualitatis & Formae omnis expers, Formis omnib. subiiciatur. Hæc itaq; cum sit eiusmodi, neq; corpus erit, neq; quid corporum: sed potentia corpus, quemadmodum aspectu statua. quoniã formã suscipiens, statua fiet.

De Ideis, quarum rerum sint, & quibus rationibus à Platonis asserantur.

CAP. VIII.



*V*M verò Materia Principij rationem habeat, alia quoq; Principia ille admittit. Vnum quidem Exemplare, quod Idearum est: Alterum, quod est patris, & cause rerum omnium, Dei. Est autem Idea, quo ad Deum, eius Intellectio seu Notio: ad nos uerò primum intelligibile: ad Materiam, Modus: ad mundum sensibilem, Exemplar: ad seipsum autē, Essentia. Omnino enim quicquid fit animi iudicio, ad aliquid fieri necesse est. Quemadmodum si, quid ab alio fiat (ut à me ipso, mei imago) eius exemplar præsupponi oportet. Atq; etiam si externum nullum sit exemplar, unusquisq; artifex in se illud conceptum habens, eius formam in materia exprimit. Definiunt autē Ideam, Exemplar æternum eorum quæ secundum naturam.

Multis enim Platoniciis minimè placet, Artificiali-
um Ideas esse; ut Clypei, uel Lyrae: neq; eorum quæ
præter naturam sunt; ut febris, ac bilis non naturalis:
neq; etiam singulorum; ut Socratis & Platonis: neq;
uiliū uel abiectorum; ut sordium atq; festuca: neq;
Relatorum; ut maioris & excedentis. Esse namq;
Ideas, Dei notiones æternas, & seipsis perfectas.
Quod autem sint Ideas, his rationibus suadent. Siue
Intellectus Deus ipse sit, siue intelligens; intelligibilia
illi insunt; hæc; æterna atq; immobilia. Si autem
hoc; sunt Ideas. Etenim si materia ipsa, per se, men-
suræ est expers, ab alio meliore & immateriato, mo-
dum mensuramq; accipiat necesse est. Verum autem
est Antecedens. Verum igitur Consequens. Si autem
hoc; sunt Ideas: cum modi quædam sint immateriales.
Accedit ad hæc, quod si mundus non à se, aut quodam
casu talis est, non solum ex aliquo ortus est; uerum
etiam ab aliquo. neq; solum hoc, sed ad aliquid etiam
conformatus. id uerò ad cuius imitationem confor-
matus est, quid aliud esse potest quàm Idea? Quare
sunt Ideas. Sed & si Intellectus à uera Opinione dif-
fert, etiam intelligibile ab opinabili differt. Si autem
hoc; sunt intelligibilia ab opinabilib. distincta. Quare
sunt prima intelligibilia: quemadmodum & prima
Sensilia. Si uerò hoc; sunt Ideas. At differt In-
tellectus ab Opinione uera. ex quo
Ideas esse conclu-
ditur,

Deum

Deum esse, & quibus rationibus
inuestigetur.

CAP. IX.

DEinceps de tertio Principio
differamus, quod penè ineffabile Pla-
to ponit. De ipso autem ad hunc mo-
dum inferamus. Si sunt Intelligibilia:
hæc autem, nec Sensilia nec Sensibus participantia;
s'd primis quibusdam intelligibilibus; sunt prima In-
telligibilia, quemadmodum & prima Sensilia. Verum
autem Antecedens. Verum ergo Consequens. Homi-
nes quidem perturbatione sensuum occupati, quoties
Intelligibile quiddam contemplari uolunt, in Phanta-
sia, rei sensilis imagine implentur. quo fit, ut ma-
gnitudinem, figuram & colorem, cum illo, sæpe ani-
mo comprehendant; atq; sic sæpenumero sincerè illud
non intelligunt. Dij uerò, ut secreti à sensibus, purè,
sincerè, & impermixtè. Quoniam uerò Intellectus,
Anima melior est: Intellectu autem eo qui est in po-
tentia, melior Intellectus ille qui actu, semper & si-
mul omnia intelligit: hoc uerò pulchrior is, qui huius
est causa, & qui etiam his superior est: is uiq; Deus
primus est, idemq; causa ut Vniuersi Intellectus sem-
per agat. Agit autem, ipse immobilis, in hunc, quem-
admodum & Sol in aspectum, cum illum hic intueatur.

B §

Atq;

Atq; ut appetibile, appetitionem mouet, cum ipsum immobile maneat: sic & hic Intellectus, cœli Vniuersi Intellectum mouebit. Quoniam uerò primus Intellectus, pulcherrimus est: pulcherrimum quoq; Intelligibile illi subijci oportet. Nihil autem ipso pulchrius. seipsum igitur suiq; notiones semper intelligit. Hicq; eius actus, idea est. Quinetiam Deus primus, æternus est, ineffabilis, αὐτοτελής, hoc est seipso perfectus, et nullius indigus, ἀειτελής, id est semper perfectus, Diuinitas, Essentialitas, Veritas, Symmetria, Bonum. Dico autem hæc, non ut separans, sed ut per omnia unum intelligens. Atq; bonum quidem est, quoniam in omnia, pro cuiusq; facultate, sua beneficia confert; cum omnis boni causa sit. Pulchrum uerò, quoniam ipsa natura amplius quiddam est, & commensuratum. Veritas, quia omnis ueritatis principium est, ut Soi luminis. Pater uerò est, quia causa omnium: cælestemq; intellectum & mundi Animum ad se ipsum suiq; notiones exornat. Nam secundum suam uoluntatem omnia seipso compleuit, mundi animum excitans & ad seipsum conuertens. Quippe qui eius intellectus causa sit, qui à patre ornatus, in mundo hoc naturam uniuersam exornat. Ineffabilis autem est, & ut antea dictum, solo intellectu perceptibilis: quia neq; Genus est, neq; Species, neq; Differentia; imò neq; accedit illi quicquam. Nam nec malum, nefas enim dictu id esset: neq; etiam bonum; siquidem participatione alicuius & maxime bonitatis, talis existeret. Neq;

Neq;
fieri
est.
fectu
nulla
pars
stitu
eum
mou
ligen
punc
quid
inde
uero
Qua
aspe
tem
fectu
anin
est it
actu
que
ratio
rum
mi p
ac l
chri
bile

Neq; differentia, non enim secundum eius notionem fieri potest: neq; quale; non enim qualitate affectum est. Quia quod eiusmodi est, id a qualitate est perfectum. Neq; uero qualitatibus est expers. quoniam nulla qualitate ad se pertinente est priuatus. Neq; pars est cuiusquam: neq; ut totum ex partibus constitutum. Neq; idem, uel diuersum. Quoniam in eum nihil cadit quo ab alijs secerni possit. Neq; uero mouet, neq; mouetur. Erit igitur prima, in eo intelligendo, ratio, per abstractionem horum. Quia & punctum intelligimus a sensibus abstrahendo: primo quidem superficiem cogitatione comprehendentes: deinde lineam: postremo, ipsum punctum. Secunda uero in quadam rationis similitudine, hoc modo. Quam rationem sol habet ad aspectum, & ad ea quæ aspectabilia sunt, cum ipse aspectus non sit, huic autem præstat ut uideat, illis ut uideantur: eandem profecto Intellectus primus, ad Intellectionem quæ in animo est, & ad ea quæ intelliguntur. Neque enim est ipsa Intellectio: perficit tamen in hac, intelligendi actum: illis uero præstat ut intelligantur, ueritatem quæ eis inest, illustrans. Tertia: eiusdem intelligendi ratio, talis quædam erit. Contemplans aliquis pulchrum quod corporibus inest, ex eo progreditur ad animi pulchritudinem: hinc ad alteram, quæ in institutis ac legibus: deinde ad immensum pelagus ipsius pulchri. Ex quo ipsum bonum intelligit, & hoc amabile ac expetendum, uelut splendorem in animum

qui

qui per hos gradus ascendit, refulgentem. Cum hoc
autem cumque ipso Deo, intelligit, propter eam quæ
in honorando est excellentiam. Partis quoque exper-
tem intelligit, quoniam illo nihil prius est. Pars au-
tem omnis, & id ex quo aliud constituitur, id ipsum
anteceedit, cuius pars est. Etenim planum prius est
corpore, & linea plano. Cum uero sit partium ex-
pers, neque loco moueri potest, neque qualitatibus com-
mutari. Quoniam si commutetur, uel à seipso, uel ab
alio commutabitur. Si ab alio, illud certe Deo poten-
tius esse oportebit. Sin à seipso: aut in deterius, aut in
melius eiusmodi commutatio fiet. At utrumque horum
in ijs est quæ fieri nullo modo possunt. Ex quibus om-
nibus perspicuum est, ipsum quoque corpore carere.
quod etiam ex ijs demonstrabitur. Si enim Deus cor-
pus est, ex materia formaque constat. quoniam, corpus
omne, concretum quiddam est ex materia, formaque
cum illo coniuncta. Quod quidem Ideis simile effici-
tur & earum particeps, ratione quadam inexplica-
bili. Absurdum autem est, Deum, ex Materia For-
maque constare. Simplex enim non esset, nec causæ
principalis rationem retineret. Quamobrem incorpo-
reum quiddam Deus est. Idemque ex eo intelligitur;
quod si corpus est, ex materia constat. quare uel ignis,
uel Aqua, uel Terra, uel Aer, aut aliquid ex his.
Nullum autem horum principale est. Erit etiam sua
materia posterior, si ex materia est. Quæ, quoniam
absurda sunt, incorporeum esse Deum necesse est.

Corruma

m hoc
m quæ
exper=
rs au=
ipsum
ius est
m ex=
s com=
uel ab
poten=
aut in
horum
us om=
arere.
us cor=
corpus
orma;
effici=
xplica=
ia For=
cause
corpo=
igitur;
l ignis,
ex his.
am sua
ioniam
se est.
rruma

orrumpi enim posset, si corpus esset; ortusq; esset,
et mutationi obnoxius. Quorum quodlibet in Deo
est absurdum. Porro, Qualitates etiã incorporeas esse
hoc modo demonstretur. Omne corpus subiectum est.
Qualitas uerò non subiectum est, sed Accidens:
Qualitas ergo corpus esse non potest. Omnis qualitas
in subiecto. Nullum autem corpus in subiecto Qua=
litas ergo corpus non est. Deinde qualitas qualitati
contraria est: non autem corpus corpori. quoniam
corpus à corpore, hoc ipso quod corpus est, nulla re,
sed qualitate distinguitur. Quare corpora, qualitates
non sunt. Quinetiam rationi maxime consentaneum
est, ut quemadmodum Materia, qualitatis est expers:
ita Qualitas immateriata esse dicatur. At si immate=
riata est, eandem incorpoream esse necesse est. Ete=
nim, si qualitates corpora sunt; duo triaue corpora
simul erunt. Hoc autem absurdissimum. Atqui posi=
tis qualitatibus incorporeis, opificem quoq; earum in=
corporeum esse necesse est. Deinde efficientia non
alia quàm incorporea esse possunt. Sunt enim cor=
pora suapte natura patibilia atq; fluentia, neq; sem=
per secundum se ipsa eadem, nec eodem modo se ha=
bentia, neq; constantia, neq; firma. Quæq; in ijs ali=
quid uidentur agere, ea multo ante patientia depre=
henduntur. Quare ut est aliquid omnino patibile;
ita necesse est aliquid quod uere agat, existere. Hoc
uerò aliud ab incorporeo reperiri nullo modo po=
test. Sic igitur principiorum explicatio Theolo=
gica

gica eiusmodi : nunc ad Physicum progrediendum.
hinc ducto initio.

*Intelligibilem Mundum à Sensili , ut
Exemplar ab imagine distinguit. dein-
de hunc unicum esse oportuisse confir-
mat ; atq; ostendit quam rationem inter
se habeant quatuor Elementa, ex
quibus constituitur.*

C A P. X.



*Quoniam, eorum quæ secun-
dum naturam sensilia & singularia
sunt, definita quedam Exemplaria,
Ideas scilicet, esse oportet ; quarum
Scientiæ sint & Definitiones (nam præter singulos
homines, hominem quendam animo concipi : & præ-
ter equos singulos, quendam equum , ac communiter
præter hæc animalia , animal ingenitum & immor-
tale : quemadmodum ab eodem sigillo plurima ex-
primuntur signa, & unius hominis imagines infi-
nitæ, Idea causa existente, quæ Principium est essen-
tiæ, à quo unumquodq; habet id ipsum quod est) ne-
cesse est, Vniuersi pulcherrimum opificium, effectum
esse ab ipso Deo intuenti in aliquam Ideam, quæ ex-
emplar extitit huiusce mundi , ad illius imitationem
efformati. Illi uerò similem hunc factum oportuit, ab
opifio*

Cpi
ficie
con
nem
mur
ris,
tion
ad
tan
tori
qua
qua
scil
lam
An
re
nib
rat
sun
cul
sec
uin
pla
un
me
Ita
ni
ni
ite

Epist. e, sua prouidentia maximè admiranda, ad ef-
ficiendum accedente; quia bonus erat. Illum itaq;
construxit ex tota materia, quam ante huius origi-
nem, inconcinne & sine ordine agitatum, in opti-
mum ordinem adduxit: & aptis numeris atq; figu-
ris, partes eius exornans, perfecit, ut mundus ea ra-
tione sit contextus, quam etiam nunc, ignis & terra,
ad aërem & aquam seruant. Habentia quidem tunc
tantum uestigia, & naturæ aptitudinem ad Elemen-
torum facultatem, temere & sine ratione materiam
quatiebant, ab illaq; quatiebantur. Ex singulis uerò
quatuor Elementis totis, cum conformauit. Ex toto
scilicet igne, atq; terra, itemq; ex aëre & aqua: nul-
lam horum partem relinquens, aut ad hæc facultatē.
Animaduertens, primū quidem, id quod fiebat, corpo-
re constare oportere, tractabile esse atq; aspectabile:
nihilq; sine igne & terra uideri posse aut tangi; iusta
ratione ad huius compositionem terram & ignem as-
sumsit. Quoniam uerò horum medium quoddā uin-
culum erat necessarium, diuinum autē illud est, quod
secundum rationis similitudinem se ipsum & ea quæ
uinciuntur, potest suapte natura in unum colligere:
planusq; mundus nequaquam erat futurus (huic enim
unum medium fuisset satis) sed globosus: idcirco duo
media ad eius coagmentationem fuerunt necessaria.
Itaq; inter ignem & terram, aër & aqua apto ratio-
nis modo interiecta sunt: ut quemadmodū se habet ig-
nis ad aerem, sic aer ad aquam, & hæc ad terram:
itemq; uicissim retro commendo.

Qui

Quia uerò nihil extra mundum hunc relictum est,
unicum fecit, numero respondentem Ideæ, quæ uni-
ca est. Morbi præterea & senij expertem: quia in
eum nihil cadit, à quo secundum naturam corrumpi
possit: tum seipso contentum, & nulla re externa in-
digentem. Figuram autem illi circumposuit globo-
sam, omnium pulcherrimam, capacissimam, maximeq;
uolubilem. Et quoniam neque aspectu egebat, neq;
auditu, neq; ullo alio sensu: ideo nulla instrumenta
ad eiusmodi ministerium illi accommodauit. Cæterisq;
motibus ademptis, unum ei dedit, qui in orbem sit, ut
Mentis & Prudentiæ proprium.

*In Mundo hoc sensibili, Anima à corpo-
re distinguitur. Deinde figuris regula-
ribus ad huius partes accommodatis, il-
larum principia secundum Pythagoræo-
rum doctrinam ad certas triangulo-
rum differentias refe-
runtur.*

CAP. XI.



*VM autem duo sint, ex
quibus mundus est constitutus, corpus
& animas: quorum illud quidem,
aspectabile & tractabile: sic, neq;
aspe-*

as-
sti-
ra-
qu-
pr-
at-
ni-
fig-
xi-
ci-
m-
qu-
dr-
bu-
ca-
au-
pl-
na-
pu-
les-
al-
qu-
pr-
mi-
Py-
lia-
tri-
bu-

aspectabilis est, neq; tractabilis; utriusq; uis & con-
 stitutio est diuersa. Corpus enim ipsum ex igne, ter-
 ra, aqua & aere coagmentatum est; siquidem hæc
 quatuor, quæ sanè nullum ordinem Elementorum
 prius habebant, mundi Opifex formauit, Pyramide
 atq; cubo, Octaedro & Icosaedro; præter hæc om-
 nia dodecaedro. Materia enim, quatenus Pyramidis
 figuram suscepit, ignis exiit: quod hæc omnium ma-
 ximè secando & diuidendo sit accommodata; pau-
 cioribusq; triangulis constet; atq; idcirco sit rarissi-
 ma. quatenus autem Octaedra facta est, simul aeris
 qualitatem accepit: sicut & aquæ, quatenus Icosae-
 dri forma est ornata. Cubi uero figuram terræ attri-
 buit, ut omnium maxime solidæ atq; firmæ. At dode-
 caedrum ad ipsum uniuersum accommodauit. Magis
 autem quàm hæc omnia, ad principia accedit, natura
 planorum. siquidem plana, solidis sunt priora. Pla-
 næ uerò naturæ duo quidam progenitores trianguli
 pulcherrimi recti anguli; unus, scalenus; alter isosce-
 les. Atq; scalenus, cum unum angulum habet rectum,
 alterum continentem duas tertias unius recti, reli-
 quum uero eiusdem partem tertiam; hunc quidem
 priorem dico. Hic autem scalenus triangulus Pyra-
 midis & octaedri atq; Icosaedri elementum est. Cum
 Pyramis ex triangulis quatuor, omnia latera æqua-
 lia habentibus constituatur: quorum quilibet, in sex
 triangulos scalenos, quales modo dicti sunt, distri-
 buatur.

C

Octae-

Octaedrum uero ex octo, qui similiter singuli
in sex Scalenos diuidantur. Sicut & Icosaedrum ex
uiginti. Alter uero (dico autem Isoscelem) aptus
est ad constituendum cubum. Quoniam huius spe-
ciei quatuor trianguli coniuncti, quadratum absol-
uunt: sicut sex quadrata, cubum. Dodecaedro au-
tem, ad uniuersum Deus usus est. quia in caelo, signa
duodecim conspiciuntur, in Zodiaco; quorum unum-
quodq; in partes triginta secatur: quemadmodum in
dodecaedro ex duodecim pentagonis composito,
horum cuilibet in quinque triangulos diuiso, sex tri-
anguli insunt: sicq; in toto dodecaedro trianguli tre-
centi sexaginta reperiuntur, quot & ipsius Zodiaci
sectiones sunt. His igitur figuris, materia à Deo ex-
pressa mouebatur: primum quidem rudibus uestigijs,
sine ordine; deinde ab eodem in ordinem adducta,
secundum eam rationem, quam in illa coagmentatio-
ne omnia inter se obtinent. Neq; tamen hæc, loco
discreta manent; sed in perpetua agitatione sunt,
eandemq; Materiam afferunt. Quoniam mundi am-
bitu constricta pelluntur; & alternis pulsibus ipsa
feruntur: ea quidem quæ tenuiorum sunt partium,
in regionem crassiorum. Quare nihil omnino inane
relinquitur, & corpore uacuum: atq; in illis inæqua-
litas permanens, concussionem affert. siquidem
materia ab ijs agitatur, & hæc
ab illa.

In mun-

2774.
In mundo hoc, de cuius corpore dictum
est, obseruat, Animam & Mentem; in
ijsq; Idem & Alterum. Deinde, hæc
etiam cælestibus corporibus accommo-
dat, singulorumq; proprios mo-
tus distinguit.

C A P. XII.



EX corporibus ad eas fa-
cultates quæ in animo apparent, hu-
ius doctrinam instituit. Nam cum
omnia quæ sunt, animo diiudicemus,
merito rerum omnium principia
huic insita esse uoluit: ut eorum quæ occurrerent
quodlibet, per id quod cognatum est & familiare
contemplantes, consonam functionibus essentiam
huic accommodaremus. Cum itaq; diceret substan-
tiam quandam esse intelligibilem, indiuiduam; aliam
quoq; circa corpora diuiduam posuit: declarans
utriusq; cognitionem intelligentia posse parari. Vi-
dens autem in intelligibilibus Idem; & Alterum in
in ipsis diuiduis; ex his Animum composuit. Aut enim
simile simili cognoscitur, (ut Pythagoreis placet)
aut ut Heraclito Physico, dissimile dissimili. Quan-
do autem mundum genitum esse ait, non sic acci-
piendum est, quasi fuerit aliquod tempus, in quo

C 2

mundus

mundus non esset : sed quia semper in generatione
est , atq; arguit existentiæ huius causam quandam
esse priorem, & ad principij rationem magis acce-
dentem. Neq; uero mundi animum, qui semper fuit,
Deus procreat, sed exornat: atq; hunc procreare dici-
tur, ad se ipsum eius Mentem conuertens, illamq; ex-
citans , quasi ex caro quodam & profundissimo som-
no. ut in ipsius intelligibilia intuens , species & for-
mas excipiat , illius notiones appetens. Perspicuum
igitur est , Mundum, animal esse , & intelligentiæ
particeps. Nam cum hunc, optimum Deus esse uellet,
consequens erat ut animatum & intelligentem face-
ret. Quandoquidem opificium animatum, inanima-
to omnino præstantius est, & intelligens non intelli-
gente. Nec fortè ipsa Mens sine Animo poterat sub-
sistere. Animo uero sic fuso à medio ad extrema, ac-
cidit ut Mundi corpus circulo complecteretur & cir-
cumtegeret. sicq; per omnes Mundi partes idem ex-
tensus, hunc colligeret atq; coniungeret. A deo ut quæ
illius externa sunt , eadem internis præsent. Animus
quidem externus indiuisus permansit: internus autem
in septem circulos diuisus, à principio secundum du-
pla & tripla interualla distributus. Isq; qui ab indi-
uidua sphaera comprehenditur , Eidem respondet :
Alteri autem, is qui diuisus. Motus enim cæli omnia
complexu suo continentis , erroris nescius , unus est
& ordinatus. At uero interiorum orbium , uarius,
orbibusq; & occasibus permutatur : atq; ex eo erra-
tions

ticus appellatur. Fertur autem extremus orbis ad de-
 xtra, ab ortu in occasum incitatus: interior uero re-
 trorsum ad sinistra, ab occidente in orientem, mun-
 do obuiam eundo. Stellae autem & astra Deus ipse
 est fabricatus, & horum quaedam incerrantia, ad coe-
 li noctisq; ornatum: quae in numero sunt maximo.
 alia uero, ad numeri temporisq; originem, & eorum
 quae sunt illustrationem: quae septem sunt. Etenim
 Tempus fecit motionis mundi intervallum, ut imagi-
 nem sempiternitatis: quae mensura est status mundi
 sempiterni. Errantium quoq; syderum non eadem
 uis. Siquidem, Sol, dux est omnium, detegens & il-
 lustrans uniuersa. Luna uero ratione potestatis suae,
 ordine secunda cernitur. Caeteri Planetae secundum
 suam conditionem, inter se quandam rationem ob-
 tinent. Luna quidem mensis mensuram conficit: eo
 spacio circulum suum absoluens, & tanto solem com-
 plexa. Sol autem anni. Quoniam per Zodiacum ex-
 currens, anni tempora adimplet. Reliqui pro sua
 quisq; ratione proprios ambitus conficiunt: qui non
 quibusuis noti sunt, sed eruditis. Ex ijs autem omni-
 bus perfectus numerus & tempus exurget, cum ad
 ideum punctum omnes regressi, eum habebunt inter se
 ordinem, ut si linea recta animo concipiatur ab incr-
 rante orbe in terram ad pares angulos producta, in
 hac, omnium centrum conspiciatur. Cum igitur sep-
 tem sint sphaerae in sphaera errante, in his corpora se-
 ptem aspectabilia, ex ignea substantia plurima,

Deus fabricatus, ipsis globis ex errante & altero circulo participantibus accommodauit. Lunam quidem in circulo à terra primo posuit: Solem in secundo: Luciferum & Mercurij stellam, quæ sacra dicitur, in eo cuius cum Sole par est & æqualis conuersio: qui tamen ab hoc distat. Supra autem reliquas posuit, secundum propriam cuiusq; spheram. Tardissimam quidem omnium stellam, quam Saturni nominant, in sphaera inerrantibus proxima: ab hac uero tarditate, secundam, Iouis: sub qua stella Martis. Octaua potestas, quæ suprema, has omnes est complexa. Omnia uero hæc, animalia intelligentia, & Dij, & globosa figura prædita.

In Maximo Animali, cuius corpus & Animus, partiumq; in his ordo supra explicata sunt, obseruat minorum Animalium genera, suis regionibus in eodem distincta: ut tandem desinat in hominem, tanquam in minorem Mundum.

CAP. XIII



Sunt & alij, Dæmones quos dicere possis, intelligentiæ participes Deos, in unoquoq; Elementorū: nonnulli quidē aspectabiles, alij inaspectabiles,

biles, in Aethere atq; igne, itemq; in Aere, & Aqua.
 ne pars ulla Mundi, Animi expers sit, neq; animalis
 eius quod natura non intelligente præstantius. His au-
 tē subiecta sunt quæ infra lunam, & terrena omnia.
 Etenim Deus ipse, Vniuersi, Deorumq; est opifex. ne-
 que Vniuersum unquam dissoluetur, propter eiusdem
 uoluntatē. Alijs autem filij eius præsent, ad patris im-
 perium & exemplum quæ faciunt, omnia referentes.
 A quibus Sortes, Furores, Somnia, Oracula, & quæ-
 cunq; secundum diuinationem ab hominibus arte ali-
 qua tractantur. Terra uerò omnium media, circa uer-
 ticem per uniuersitatem traiectū, uincta atq; constri-
 cta, dici noctisq; custos, Deorum omnium qui coeli am-
 bitu continentur, antiquissima, ac post ipsum Mundi
 Animum, nobis alimenta abunde suppeditans. circa
 quam cælum uoluitur; astrumq; ipsa quoddā est. Ma-
 nens autem, quia ad æquilibrium est in medio, quod si-
 militer se habet ad continentia. Aether autem extimē
 distinctus est in spheram errantium & inerrantium.
 Quib. Aer subest. in medio uerò Terra, suo humore
 perfusa. Quibus omnib. ab illo pulchrè apteq; coag-
 mētatis et distributis, animalium tria genera restabant,
 quæ mortalia erant futura, Volatile, Aquatile & Pe-
 destre. Quorum procreationem filiis demandauit: ne
 ab eodem procreata, essent immortalia. Hi igitur à
 prima materia particulas quasdam, ad usuram desig-
 niti temporis mutuati, in eandem aliquando rursum
 redituras; effinxerunt mortalium animalium genera.

Quoniam uerò de hominū genere, ut Dijs maxime cognato, rursus cura erat. & ipsi Patri omnium, & Dijs huius filijs: demisit in terrā, vniuersi opifex illorum animos astris numero pares. Ingressi autem ad astrū quasi uehiculum quadam societate coniunctum, instar legislatoris, omnib. fatales leges edixit, ut ipse omni culpa careret. quod affectus ex corpore mortales nascerentur: primum quidem ipsi Sensus; deinde Voluptas & Dolor, Metus & Ira. Quibus qui impetarent, nec se ab his uinci paterentur, eos iuste uicturos, & ad astrum sibi cognatum reuersuros: euictos uerò ab iniustiā, secundo ortu in uitam foeminae migraturos. in qua, qui peccandi finem non faciet, eundem in ferarum naturam migraturum. Finis uero ipsis laborum erit, cum innatos affectus uicerint, & ad proprium habitum redierint.

De corporis humani compositione, & Animo in cerebro constituti principatum de partium, & similariū & dissimilariū conformatione & officio.

CAP. XIII.

DI autem imprimis, hominem ex terra, igne, aere & aqua efformauerunt; quasdam partes quae aliquando redderentur, ab illis mutuati: easque occultis uinculis componentes

ponentes, corpus unum ex omnibus confecerunt. Ac eius Animi, qui è cœlo demissus, principatum, in capite collocarunt; cerebrum ei subijcientes, tanquam agrum prius excultum. atq; circa faciem posuerunt instrumenta ad sensuum functiones accommodata. Ex leuibus autem & sine inflexione triangulis, ex quibus Elementa fuerunt conformata, medullam composuerunt, ipsius seminis futuram originem. Os uero, ex medulla atq; terra, irrigatis, crebroq; in igne & aqua quasi confectis. Neros ex osse & carne. Caro uero procreata est ex salso & acuto, quasi quodam fermento. Medullæ, ossa circumposuerunt; & osibus, coniunctionis gratia, neruos adiecerunt: ut per hos faciles essent inflexiones & articulorum coniunctiones. Quibus ipsa caro est pro uelamento, eaq; pro corporis usu & commoditate partim alba, partim nigra. At ex his interna uiscera existunt inuoluta, uenterq; & circa hunc intestina conuoluta. Ad superiores uero partes, ab ore, arteria & gula; hæc quidem in stomachum; illa, in pulmones delata. Porro, cibi in uentre, calore, spirituq; conficiuntur & emolliuntur: indeq; in uniuersum corpus distribuuntur, secundum proprias cuiusq; mutationes. Duæ autem uenæ iuxta spinam euntes, sibi inuicem obuiæ, caput contrario modo complicant, inde in multas partes finduntur. Cum igitur Dij hominem effuxissent, atq; Animum, corpore, cui erat imperaturus, induissent; eius par-

tem principem, cuius est Ratio, in capite colloca-
runt. Hinc medullæ, neruorumq; principia atq; pro-
uarijs lesionibus, mentis ab alienationes. capitiq; cir-
cumpositis Sensibus, tanquam satellitibus, Animi
principatum, uimq; ratiocinandi in eo posuerunt;
itemq; uim contemplandi, & iudicandi. Partem ue-
rò alteram, in qua motus existunt, loco inferiore:
irascendi quidem in corde; concupiscendi uerò, cir-
ca abdomen, & eas partes quæ umbilico adiacent.
De quibus postea differetur.

De quinque Sensuum exteriorum ratione
& obiectis: de somno, vigilijs & in-
somnia; & de tactilium qualita-
tum differentijs.

C A P. XV.



Cum autem luciferos oculos
circa faciem collocassent; in ijs luci-
dum ignem incluserunt. qui, quia leuis
est & crassus, eundem diurni lu-
minis germanum esse oportere existi-
mauerunt. Atq; hic sanè cum per totum quidem ocu-
lum, tum maximè per pupillam crumpit, qui est om-
nium purissimus & ualde syncerus. qui cum externo
consentiens, similis cum simili, uidendi sensum præ-
stat. Quare, cum lumen noctu euanesceat uel obscu-
ratur, interior ignis non amplius à nobis cum pro-
ximo

ximo acre coniungitur; sed ad interiora receptus,
 eos motus qui in nobis sunt, adæquat atq; diffundit,
 somni irritamentum inducens: unde & palpebræ
 clauduntur. At in maxima requie, somni ferè insom-
 niorum sunt expertes. Relictis autem quibusdam
 motionibus, uisis frequentibus exercemur. Atq; has
 quidem uisiones siue uerè, siue falsò, directè natas, sic
 constitui. Quæ uerò sequuntur in speculis alijsq; cor-
 poribus pellucidis ac leuibus imaginum figurationes,
 eas non aliter quàm per reflexionem existere. Pro
 uaria enim figura extremitatis, concauæ, uel conue-
 xæ, in speculo diuersæ imagines apparebunt; ex di-
 uersa reflexione luminum ad alias atq; alias partes:
 quæ in conuexis quidem resiliunt; in concavis autem
 coeunt. Sic enim in quibusdam dextra atq; sinistra
 contrario modo apparent. similiter autem in alijs,
 quæ inferiora, ea superiora, & contrà. Auditus ue-
 rò ad uocis perceptionē datus est. Exoricens enim ab
 ea agitatione quæ circa caput contingit, ad hepatis
 sedem desinit. Vox autem ea, quæ per aures influens
 perq; cerebrum et sanguinem, in animum percussam
 transfunditur: acuta quidem, quæ mouetur celeriter;
 grauis, quæ tardè; magna, quæ multa; parua, quæ
 pauca. His est autem consequens narium facultas, ad
 odorū sensum constituta. Odor uerò est affectio è na-
 rium uenulis, usq; ad ea loca quæ circa umbilicū sunt,
 defluens. cuius species suis nominib. expressæ nō sunt,
 præter duas maximè communes, fragrantis odoris &
 grauco-

grauolentis: quæ suavis & foetidi appellationem habent. Omnem uero odorem, aere crassioresse, aqua tenuioresse. quoniam genus odoris in ijs merito dicitur existere, quæ nondum perfectam mutationem, susceperunt: sed cum aere & aqua, communionem quandam habent. Talia uero sunt quæ ad fumum & caliginem accedunt. His in seinuicem transcuntibus, sensus odoratus perficitur. Gustatum uero, uariorum admodum saporum iudicem, Dijs constituerunt, ab illo, ad cordis sedem perductis uenulis: quæ probatrices essent saporum & diiudicatrices. Hæ enim dum colliguntur & distrahuntur, prout saporres occurrunt, definiunt eam quæ in his est uarietatem. Sunt autem saporum differentie septem: Dulcis, Acutus, Acerbus, Austerus, Salsus, Acer, Amarus. In quibus dulcis, reliquis omnibus contrariam habet naturam, humorem circa linguam familiariter diffundentem: reliquis partim perturbantibus atque proritantibus, quales acuti: alijs calefacientibus, & ad superiora euolantibus, quales acres: alijs ualde abstergentibus, abstergendoque liquefacientibus, quales amari: alijs sensim purgantibus & abstergentibus, quales salsi. ex alijs uero meatus obstruentibus, qui id asperius faciunt, acerbi: qui leuius, austeri esse dicuntur. Tangendi uero facultatem à Dijs constitutam ad suscipiendas & diiudicandas calidorum ac frigidorum, mollium & durorum, leuium & grauium, politorum & asperorum differentias, &

cas

cas
tab
du
cor
lia
tia
un
iun
le e
fec
cau
asp
frig
pel
san
in
Gr
ris
est
rot
equ
illu
qu
nun

eas quæ illis insunt. Cedentia quidem dicimus quæ
 tactum recipiunt: retinentia, quæ illi minimè ce-
 dunt. Hoc autem secundum corporum ipsorum bases
 contingit. Quæ enim illas amplas habent, hæc stabi-
 lia sunt & firma. quæ his angustis inittuntur, ceden-
 tia sunt & mollia, eademq; facile mutationem sube-
 untia. Asperum autem sit, quod cum duritie con-
 iunctam habet inæqualitatem: politum, quod æquabi-
 le est & densum. Cum uerò caloris & frigoris af-
 fectiones sint maximè contrariæ; hæ, ex contrarijs
 causis oriuntur. Nam quod acumine partium &
 asperitate discindit, id calidam gignit affectionem:
 frigus autem quod ingressu densius. Dum tenuia ex-
 pelluntur, & in illorum locum alia coguntur, tunc
 sanè concussio quædam & tremor exoritur: indeq;
 in corporibus qui nascitur affectus, rigor existit.
 Graue autem & leue, ratione superioris & inferio-
 ris loci nequaquam definienda sunt. Quoniam nihil
 est sursum aut deorsum. Nam cum cælum omnino
 rotundum sit & accuratè in superficie sua conuexa
 æquabile, non aptè quosdam, in illo, hoc superius,
 illud inferius nominare. Verum id quidè graue esse,
 quod non nisi magna ui in locum à sua natura alic-
 num trahitur: leue uerò, quod facile. Adhæc, gra-
 ue quidem, quod ex pluribus partibus concre-
 tum est, leue quod ex pau-
 cissimis.

De mo-

De modo & usu Respirationis: de hinc
de morborum, præcipuè febrili-
um, causis.

C A P. XVI.



REspiramus verò hoc modo. Ambit nos quidem externus aer multus. Hic autem per os & nares, aliosq; corporis meatus ratione cognitos, in interiores partes influit. in quibus calefactus, ad externum cognatumq; refluerenititur. Qua uerò ex parte effluxerit, externum aerem rursus in interiora coercet. atq; eiusmodi circulo sine intermissione, Inspiratio & Exspiratio perficitur. Morborum autem causas multas esse docuit. Primum quidem, Elementorum defectum & excessum, eorumq; transmutationem in ea loca quæ naturæ minimè conuenientia: deinde præposteram cognatorum originem, ut si ex carne fieret sanguis, aut bilis, aut pituita. hæc enim omnia nihil aliud esse quam colliquationem. Pituitam quidem, recentem carnis colliquationem. Sudorem uerò & lachrymas, quasi serum ex pituita. Pituitam autem in externis partibus interceptam, inducere uiriliginem. at in interioribus, cum atra bile permixtam, sacri morbi causam esse. eandem acutam & salsam, eos affectus gignere, qui in rigore contingunt. Omnia autem ardentia corpora à

ra à bile hoc patiuntur. Innumerabilis enim affectus
 & multiformes, bilis & pituita pariunt. Febrem
 quidem continuam, igne suum modum exuperante :
 quotidianam, aere : tertianam aqua : quartanam ter-
 ra. Sequitur ut de animo differamus, oratione hinc
 repetita. Etsi in eundem sermonem relapsi, superio-
 ra fortasse reperire uideamur.

*Tres Animi partes in homine, primum
 origine, deinde sedibus distinguuntur :
 earumq; distinctio varijs rationibus ex
 Platone confirmatur.*

CAP. XVII.



M humanum animum
 immortalem (sicut postea demon-
 strabimus) mortalium generum for-
 matores Dij, à Deo primo accepis-
 sent, ei partes duas mortales adiun-
 xerunt. Quare ne uis animi diuina atq; immortalis,
 mortali fatuitate impleretur : illam, cum ad impe-
 randum instituissent, in summa corporis arce colloca-
 runt, ac eius domicilium in capite esse uoluerunt :
 quod sua figura ipsi uniuersitati est simillimum. Huic
 autem aliud corpus, ad obsequium, quasi uehiculum
 subiecerunt. Quin & duabus partibus mortalibus
 singulis suas sedes distinctas dederunt. Irascenti
 quidem

quidem in corde; Concupiscenti uero in parte media
inter umbilicum & septrum transversum: his illam
uincientes, quasi aculeo punctam & feram belluam.
Pulmonem autem conformarunt cordis gratia, mol-
lem & exanguem, fistulosum & spongiae similem:
ut ab illo cor temperaretur irae ardore exestuans.
At iecur ad excitandam partem animi concupiscen-
tem, eandemq; sedandam, dulcedinis & amaritudi-
nis particeps: atq; ad eam diuinationem illustran-
dam quae per somnia contingit. In eo enim propter
leuorem atq; nitorem uim à mente manantem reluce-
re. Lienem, iecoris gratia: ut hoc repurget niti-
dumq; reddat. ideoq; corruptiones eas, quae ex qui-
busdam morbis circa hepar nascuntur, in ipsum re-
cipi. Triplicem autem esse animum, eiusq; partes
secundum facultates atq; rationes, suis locis esse di-
stinctas, ex his perspicui potest. Imprimis quae natura
distinguntur, ipsa quoq; diuersa sunt. Natura uero
distinguntur passiuum, & ratiocinatum: quorum
hoc quidem circa intelligibilia uersatur; illud uero,
circa tristitia & iucunda. Atq; etiam praeterea passi-
uum alijs quoq; animilibus inest. Cum uero, duo
haec, natura diuersa sunt: debent quoq; locis ac sedi-
bus separari. Quoniam plerunq; inter se sunt dis-
sidentia atq; pugnantia. Nihil uero secum pugnare
potest; neq; inter se contraria, circa idem, eodem
tempore possunt consistere. at in Medea, iram cum
ratione pugnantem licet animaduertere. Haec enim
cuius

eius uerba sunt, Intelligo quæ factura sum, esse mala;
 ira tamen consilium superat. Itemq; in ipso Laio
 Chrysippum rapiente, Concupiscentiæ Ratio aduer-
 satur. Sic enim inquit, Heu, Heu, diuinum hominibus
 malum, quando quis bonum nouerit, nec tamen eo
 utatur. Adhæc etiam, diuersum esse passuum. &
 Ratiocinatio, ex eo potest intelligi; quod huius &
 illius diuersa cura sit: huius quidem in doctrina,
 illius in uitæ & morum consuetudine.

*Argumenta varia ex vniuersa Plato-
 nis doctrina colliguntur, quibus confir-
 matur immortalitas eius partis Animi,
 quæ in cerebro locum habens, prin-
 cipium est Rationis &
 Intelligentiæ.*

CAPVT. XVIII.



*Nimum autem immorta-
 lem esse, in hunc modum declarat.
 Animus cuiusq; aduenerit, huic ui-
 tam affert; quasi hanc sibi habeat in-
 sitam. Quod uerò alicui uitam affert, mortis capax
 non est. Tale autem quicquid est, hoc immortale.
 Si autem immortalis est Animus, interitus quoq;*

D

est

est expers. Incorporea enim est essentia, quæ nature suæ existentia immutabilis: eaq; intelligibilis, ac semper unius modi. Igitur & compositionis expers est, neq; dissolui potest, neq; dissipari. Corpus autem quoduis, contra, sensile est, aspectabile, dissipabile, concretum, multiforme. Etenim Animus, per corpus, sensili adhærens, uertigine tentatur, turbatur, quasiq; inebriatur. Ipse autem intelligibili secundum se adhærens, consistit atq; quiescit. Ei uerò similis esse non potest, cui adhærens conturbatur. Itaq; illi intelligibili similior est. Intelligibile autem natura est indissipabile atq; interitus expers. Quoniam, Animus secundum naturam præest & imperat. Diuinitati autem simile est id quod suapte natura principatum obrinet. Quare Animus diuinitati similis, neq; poterit interire, neq; corrumpi. Contraria immediata, non secundum seipsa; sed aduentitia tantum ui, ex se inuicem oriuntur, & fiunt: id autem quod homines uocant uiuere, cum contrarium sit ei, quod est mori; quemadmodum mors, separatio est animi à corpore; sic & uita, congressio animi (qui scilicet ante fuerat) & corporis erit. Qui si erit post mortem, & fuit prius quàm cum corpore coniungeretur; rationi ualdè consentaneum est, eundem sempiternum fore. quoniam nihil amplius excogitari potest, cuius ui corrumpatur. Siq; disciplina recordatio quædam est; immortalem esse Animum necesse est. Esse uerò disciplinam re-
corda

cordationem, his rationibus indicemus. Neq; enim aliter disciplina potest consistere, quam per recordationem eorum quæ sunt olim cognita. Nam si ex singulis, uniuerſa intelligimus; quonam pacto per singula, quæ infinita sunt, discurremus? aut ex paucis, uniuerſa percipiemus? Fallemur enim perinde, ac si iudicaremus, id solum animal esse, quod respirat. Vel quomodo notiones rationem principiorum obtinebunt? Recordando igitur intelligimus, ex paucis mente conceptis: à quibus singulatim incipientibus, in eorum recordationem uenimus, quæ prius quidem noueramus; sed ea deleuerat opinio, à corporis contagione projecta. Præterea, Animus à proprio uitio, miminè corrumpitur. Nequaquam igitur ab alieno: neq; omnino ab alio. Cum autem sit eiusmodi, corrumpi nullo modo poterit. Item, quod à se ipso suaq; ui mouetur; quia in ijs quæ mouentur, principij rationem habet, semper mouetur. Quod autem tale; idem quoq; est immortale. Animus uerò à seipso mouetur; & quod à seipso mouetur, motionis omnis & ortus est principium.

Principium autem ingenitum, ut interitus expers. Quare animus uniuerſi talis erit; atq; etiam humanus; cum uterq; eiusdem mixtionis sit participes. A se autem mobilem Animum esse ait; quod innatam uitam habeat, semper sua ui operantem. Animos autem rationis participes im-

mortales esse, ex huius uiri sententia licet confirma-
re. Vtrum uerò etiam rationis expertes, hoc ex ijs
est, quæ in controuersiam cadunt. Probabile tamen
est, rationis expertes, sola imaginatione ductos, neq;
ratione, neq; iudicio utentes, neq; perceptis, neq;
horum collectione, neq; ratiocinando deductis sum-
tionibus uniuersis, omnino autem mentis expertes,
& non intelligente natura præditos; non esse eius-
dem essentiæ, cum ijs, qui ratione utuntur; ideoq;
illos mortales esse, & interitui obnoxios. Hac igitur
ratione cum sint immortales Animi; consequens est,
eos corpora subire, adherentes naturis quæ foetuum
sunt conformatrices, eosq; in multa corpora, nec in
humana tantum, transmigrare, ad numeros tempo-
rum manentes, uel uoluntate Deorum, uel propter
uitæ intemperantiam, aut corporis amorem. Mutua
enim quædam est inter, corpus & Animum cognat-
io, qualis inter ignem & bitumen cernitur. Atq;
Deorum quidem Animus, adeptus est facultatem di-
iudicandi, quæ cognoscendi dici potest: itemq; ad
agendum impellendi & incitandi; atq; etiam conci-
liandi. Quæ omnes facultates, cum insint quoq; hu-
manis Animis, postquam in corpora demersi sunt,
sic permutantur: uis quidem conciliandi in eam quæ
concupiscendi est; impellendi autem ad
agendum, in alteram, quæ ira-
scendi.

De F4

De Fato & Arbitrij libertate.

CAP. XIX.



DE Fato talia quædam illi
placent. Omnia quidem in Fato esse
ait: non omnia tamen Fato esse desti-
nata. Fatum enim instar legis ne-
quaquam dicit; Hic, illa faciet; ille uerò, hæc pa-
tietur (hoc enim in infinitum abiret; cum infiniti
sint qui nascuntur, & infinita quæ his accidunt: pe-
raret quoque quod in nobis situm esse dicitur; omnesque
laudes & uituperationes, quæque his proxima sunt,
tollerentur) sed quod, si Animus uitam cuiusmodi de-
legerit, atque talia fecerit; hæc illum consequentur.
Liber ergo Animus est, atque in eius potestate situm,
illa agere, uel non agere: nec ad ea ulla necessitate
cogitur. Quod autem in illo ordine sequitur, id
Fato perficietur. Veluti ex eo, quod Paris Helenam
rapiet (quod quidem illi erat liberum) consequens
erit, ut Græci, pro Helena, aduersus Troianos bel-
lum gerant. Sic quoque, & quod Apollo, ipsi Laio
prædixit, Si genueris filium, natus ipse te perimet; in
connexionem continentur, & Laius, & filij procrea-
tio. At quod ex ijs est consequens, id Fato definitum.
Eius autem quod fieri posse dicitur, natura, inter ue-
rum & falsum media incidit; eaque ex se indefinita:
in qua, tanquam uehiculo, fertur id quod in nobis
situm

fitum est. Quod cum nobis eligentibus factum fuerit, uerum & falsum erit. Quod autem facultate est, ab eo differt quod secundum habitum, & quod secundum functionem muneris dicitur. Quod enim est facultate, id aptitudinem quandam declarat, in eo, in quo habitus nondum conformatus. Quemadmodum puer, facultate grammaticus, & tibicen & faber, appellabitur. Tum uero in habitu unius horum, aut duorum, aut trium erit, cum didicerit, istorumque habitum sibi conformauerit. In actu uero erit & muneris functione; cum in operando, illo habitu conformato dirigetur. At quod possibile dicitur, nihil horum est. Indeterminatum autem est, quod in nostra potestate situm, in utramque partem pari momento propensum, modo uerum est, modo falsum.

In tertia Philosophiæ parte, de Vita & moribus, initium ducit à felicitate, & in quibus illa consistat ex Platone demonstrat.

C A P. X X.

DEinceps uero summam colligenda ea, quæ ab illo dicta sunt de moribus. Illud quidem Bonum, quod dignissimum est & maximum, nec facile inueniri posse putabat; nec cum inuentum esset,

esset, tutum esse in uulgus efferre. Ideoq; de notis
 paucos, eosq; de quibus antea iudicasset, huius au-
 scultationis de summo bono, participes fecit. No-
 strum quidem Bonum, si quis diligenter eius scripta
 repetat, ponebat in scientia & contemplatione
 primi boni: quod quidem & Deum & primam
 Mentem, possit quis appellare. Omnia enim, quæ
 quacunq; ratione ab hominibus numerantur in bo-
 nis; ea, hoc nomine in illis haberi uolebat, quod
 aliquo modo, ipso primo dignissimoq; bono partici-
 pent. Quemadmodum dulcia atq; calida, quadam
 primorum participatione, eiusmodi appellationem
 sortiuntur. Ex ijs uero quæ in nobis sunt, solam
 Mentem atq; Rationem, cum ipso bono similitudinem
 quandam retinere. Quamobrem bonum nostrum,
 Pulchrum, Augustum, Diuinum, Amabile, Commen-
 suratum, & diuinis alijs nominibus appellatum. Eo-
 rum autem, quæ uulgo dicuntur Bona; cuiusmodi
 sunt sanitas, pulchritudo, robur, diuitiæ & his si-
 milia; nihil esse omnino, nisi in usum Virtutis inci-
 derint. Separata enim ab hac, materie tantum con-
 ditionem obtinere: in malum uero cedere, abutenti-
 bus. Interdum etiam hæc caduca, Bona nominauit.
 Fœlicitatem autem in bonis humanis non censebat
 esse; sed in diuinis atq; beatis. Quare Philosophorum
 animos reuera magnis & admirandis abundare ait;
 & à corpore separatos. Deorum consuetudine atq;
 mensa frui, cum illis habitantes & Veritatis campum

perlustrantes, Quoniam in uita, illius cognitionem
expetiuerunt ; eiusdemq; studium, omnibus alijs
posthabitis coluerunt. Cuius beneficio, cum illi re-
purgarint atq; recrearint animi quasi oculum (qui
extinguebatur & excæcabatur dignior tamen con-
seruatione innumeris oculis) ad Vniuersi, quod ra-
tione præditum est, naturam comprehendendā, apti
effici potuerunt. Amentes enim, his similes esse, qui
in subterranea spelunca uitam degentes, splendidum
lumen nunquam intuiti, cum tenues quasdam umbras
eorum corporum quæ apud nos sunt, uident ; arbi-
trantur, se ea quæ sunt, apertè uidere. Vt enim,
hos, si quando datum sit è tenebris, in lucem prodi-
re, credibilia est illa omnia, quæ antea uiderant con-
temtuos, ac se ipsos multo magis, quasi fuerint
delusi: sic & eos, qui ex huius uitæ densa caligine,
ad ea quæ uerè diuina sunt & pulchra, se confe-
runt; rationi congruum est, ea, quæ quondam admi-
rati sunt, aspernatos, ardentioremq; in illis con-
templationis diuinorum atq; pulchrorum cupidita-
tem futuram. Quibus etiam consentaneum est di-
cere, ipsum honestum solū, esse bonum : atq; Vir-
tutem, ad beatam uitam se ipsa esse contentam.
Quare Bonum & Pulchrum in scientia primi con-
sistere, & honestum esse, per omnes libros à Platone
est declaratum. De ijs autem quæ per participa-
tionem bona, sic in primo de Legibus. Duplicia bo-
na sunt; quædam humana; alia uero diuina, & cæ-
tera.

ter.
fenu
&
den
tes,
si e
hor
loc
Eu
fœ
cat
ter
si c
mi
eti
uit
fo
co
ad
ho
de
æ
ci
m
n
n
F
c

tera. Si quid uerò à primo secretum est, & eius es-
sentia expers, idq; ab hominibus qui sine mente sunt,
& intelligentia, Bonum appellatur; hoc in Euthy-
demo, habenti maius malum esse ait. Ac quod Virtu-
tes, per se ipsas experiendas putet, sumendum est qua-
si ex eo consequens, quod ipse existimauerit, id quod
honestum est solum esse bonum: idq; cum plurimis
locis demonstrauerit, cum maxime in tota Repub.
Eum enim, qui prædictam scientiam sit adeptus,
foelicitissimum esse atq; beatissimum: non honorum
causa (quos, qui talis erit, consequetur) neq; prop-
ter præmia uerum etiam si omnes homines lateat, &
si ea illi contingant quæ uulgo putantur mala, infæ-
miæ, exilia, mors. At uerò eum qui hac scientia caret,
etiamsi cuncta possideat quæ putantur bona, uti di-
uitias, ampla regna, corporis sanitatem, robur &
formam; nihilo magis esse beatum. Quibus omnibus
consentientem finem in eo ponebat, ut homines, quo
ad possent, Deo similes efficerentur. Variè autem
hoc explicat. Interdum enim similem Deo dicit pru-
dentem, iustum & sanctum; quemadmodum in The-
æteto. Quare enitendum esse, ut hinc, ad illa quàm
citissimè confugiamus: fugam uerò consistere in si-
militudine cum Deo, quo ad fieri potest: similitudi-
nem autem in Prudentia, Iustitia, Sanctitate. non-
nunquam etiam in sola iustitia; ut postremo libro de
Repub. Neq; enim unquam à Dijs despicitur qui
conatur iustus euadere: & qui uirtutis officio, sese,

D S.

prout

prout homini datum est, Deo similem reddit. In
Phædone uerò, Deo similem effici uult temperantem
simul & iustum, hoc modo. Nonne fœlicissimi, in-
quit, & beati sunt, & in optimum locum migrant,
qui popularem ciuilemque uirtutem quam Temperan-
tiam & iustitiam uocant, exercuerunt? Interdum
igitur uitæ finem esse dicit, Deo similem fieri: alias
autem, Deum sequi: ut cum inquit; Deus profectò,
ut antiquus sermo testatur, principium finemque &
medium rerum omnium obtinens, recta ratione om-
nia perficit. quem iustitia semper comitatur, uindex
eorum qui à diuina lege deficiunt; cui sua sponte se
subijciens is qui beatus futurus est, demissus obtem-
perat. Nonnunquam hæc duo coniungit; ut cum
ait, Animum Deum sequentem, atque huic similem
factum, & cætera. Etenim utilitatis principium ip-
sum bonum: hoc autem ex Deo dicitur. Consentiens
ergo principio finis erit, Deo similem effici: Deo
inquam, coelesti; aut per Iouem, supercoelesti: quique
uirtutem non habet, sed hac præstantior est. Qua-
propter rectè quisquam dixerit, κακά δαιμόνια, id
est, in fœlicitatem, Demonis siue Genij peruersita-
tem esse: εὐδαιμόνια uerò, id est fœlicitatem, bo-
num Demonis habitum. Consequemur autem, ut Deo
similes efficiamur, si natura conueniente formamur,
moribusque educatione & sensu, secundum legem;
maximeque ratione & disciplina, præceptorumque tra-
ditione. Ita ut ab humanis negotijs ut plurimum men-
tem

2774.
tem auocemus, semper in intelligibilia ipsa contem-
platione defixi. Præparationes uerò, & purgatio-
nes eius Dæmonis qui in nobis est, si superioribus di-
sciplinis iniciemur: quales sunt Musica, Arithmetica,
Astronomia, atq; Geometria: addita etiam corporis
cura per Gymasticam, qua ad obeunda pacis & bel-
li munera, nostra corpora melius afficiemur.

*Virtutum Diuisio, & mutua
connexio.*

CAP XXI.



*V*M igitur Virtus, res di-
uina sit; ipsa quidem affectio est A-
nimi perfecta & optima, hominem
exornans eundemq; firmum & aptū
reddens ad dicendum & agendum:
sive ipse secum haerit, sive cum alijs uersetur. Atq;
inter huius species, quedam rationis esse dicuntur;
aliæ, in parte rationis experte uersari. Cum enim
differant inter se, Rationale, Irascibile, & Concupi-
scibile; horum etiam diuersa erit & sua cuiusq;
perfectio. Rationalis quidem, Prudentia: Irascibilis,
Fortitudo: Concupiscibilis, Temperantia. Pruden-
tia uerò, scientia est bonorum, malorum atq; neutro-
rum. Temperantia, ordo in cupiditatibus & appe-
titionibus, cum hæ rationi uel duci obtemperant.

Quam

Quando autem dicimus, Temperantiam ordinem
esse quendam & obedientiam: id sanè intelligi uolu-
mus, facultatem quandam esse, per quam appetitio-
nes apto ordine se ei subiiciunt, quod natura debet
dominari. hoc autem est quod Rationis est parti-
ceps. Fortitudo, est legitima præcepti, ardui &
non ardui obseruatio: id est, facultas conseruatric
præcepti legitimi. Iustitia uerò, consensio quædam
inter se, siue facultas, per quam tres animi partes in-
ter se conueniunt, harumq; unaquaq; ei adheret
quod proprium habet in quo uersetur & suum cuiq;
pro dignitate statuit: quasi hæc summa sit perfectio
trium uirtutum, Prudentiæ, Fortitudinis, Tempe-
rantie; Ratione imperante, reliquis partibus Ani-
mi, secundum suam proprietatem contractis ei; obe-
dientibus. Vnde existimandum Virtutes sese mu-
tuo consequi. Fortitudo enim, præcepti legitimi
conseruatric, Rationis etiam rectæ conseruatric est.
quoniam præceptum legitimum recta quædam Ra-
tio est. Recta autem Ratio, à Prudentia profici-
scitur. Quin etiam Prudentia, cum Fortitudine co-
heret. Illa enim, scientia bonorum est. Nemo au-
tem id quod bonum est uidere potest, dum timiditate
& perturbationibus cum hac coniunctis, impeditur.
Eademq; ratione, nemo cum intemperantia pru-
dens potest existere. Atq; omnino, quicumq; per-
turbatione uictus, præter rationem aliquid facit; id
per imprudentiam & inscitiam pati à Platone dici-
tur.

tur
ran
neo

V
til

lit
pr
de
fec
cu
ali
ui
co
ha
pr
tes

tur. ut nemo possit Prudentiam habere, si intemperans sit & timidus. Sunt igitur uirtutes connexæ: nec separari possunt, si perfectæ sunt.

Virtutum seminaria à perfectis Virtutibus de quibus dictum est, distinguit: deinde virtutes cum vitijs inter se comparat.

C A P. XXII.



Incuntur enim & alio modo Virtutes, ut naturæ dotes & progressiones ad illas: quæ propter similitudinem, cum eisdem solius nominis communionem habent. Sicq; milites fortes nonnunquam appellamus, nonnullosq; prudentiæ expertes, etiam fortes prædicamus, non de perfectis uirtutibus loquentes. Hæ autem, perfectæ scilicet, neq; intenduntur, neq; remittuntur; cum uitia intenduntur & remittantur. si quidem alius alio imprudentior est & iniustior. Nec sese uitia consequuntur: quoniam quædam sunt inter se contrariæ: quæ eidem non conueniunt. quomodo se habet, ad timiditatem, audacia; & ad auaritiam, profusa largitio. Neq; uerò quisquam existere potest, qui uitijs omnibus sit infectus: quemadmodum

neq;

neq; corpus ullum omnibus morbis simul affectum,
aut modis omnibus deformatum. Admittenda etiam
est media constitutio, neq; praua, neq; cum uirtute
coniuncta. Quoniam non omnes homines probos,
uel improbos esse necesse est: sed cuiusmodi sunt, qui
iam ad summum horum peruenerunt. Neq; facile
est à uitio ad uirtutem recta regredi: quia extrema
longo interuallo, magnaq; contrarietate à se inuicem
seiuncta sunt. Existimandum autem est de uirtuti-
bus, quasdam esse principes & antecedentes; alias,
harum comites. Principes sunt, in parte Animi ra-
tionali: à quibus reliquæ perfectionem capiunt: co-
mites uerò, in altera quæ perturbationibus est obno-
xia. Hæ enim honesta sequuntur secundum rationem,
non quæ in ipsis est (non enim eam habent) sed quam
à Prudentia capiunt, quæ in illis consuetudine & ex-
ercitatione est confirmata. Et quoniam neq; Scien-
tia, neq; Ars, in alia parte Animi est, quàm in Ra-
tionali; Virtutes, quæ in altera Animi parte per-
turbationibus obnoxia, existunt, doceri nullo modo
possunt. quia neq; Artes sunt, neq; Scientiæ. Non
enim propriam præceptionem habent. At Pruden-
tia, cum Scientia quædam sit; ea quæ cuiq; propria
sunt, præscribit. quemadmodum Gubernator, nau-
tas docet ea quæ ignorantur ab ipsis. hi uerò illi pa-
rent. Eademq; ratio in milite, & in Imperatore ua-
let. Vitia autem cum intenduntur & remittantur,
peccata paria non erunt: sed quædam maiora, alia
minora.

minora. Quibus hoc consentaneum est, ut his à le-
 gumlatoribus supplicia quaedam grauiora, alia le-
 uiora decernantur. Quanquam uero uirtutes extre-
 mitates sint, quia perfectæ & recto similes; alio ta-
 men modo mediocritates erunt. quod omnes, uel cer-
 tè plurimæ in medio duorum uitiorum sitæ sint: quo-
 rum unum est in excessu; alterum in defectu: ut in
 liberalitate, hinc auaritia; altera ex parte, profusa
 largitio cernitur. In perturbationibus enim, discessus
 à modo accidit, aut secundum excessum, aut secun-
 dum defectum. Neq; uero qui, cum parentes iniu-
 riam patiuntur, non irascitur; neq; qui in omnibus,
 & quacunq; occasione concitatur, moderatus est:
 sed omnino uterq; modo discedit. Rursus, qui pa-
 rentibus uita functis, nihil commouetur; affectu ca-
 ret. qui uero ita luget, ut contabescat; affectus modum
 excedit. at qui mæret quidem, sed moderatè; is mode-
 ratè affectus dicitur. Sic certè qui omnia timet, &
 præter modum, is timidus est; qui nihil, audax. Fortis
 uero, qui in confidendo atq; me uendo modum seruat.
 Quorum in cæteris eadem est ratio. Atq; quoniam
 quod moderationem est in perturbationibus, idem opti-
 mum: non aliud autem est moderatum, quam quod
 medium inter nimium & parum; idcirco me-
 diocritates eiusmodi uirtutes existunt.

quod in perturbationibus me-
 dio quodam modo
 afficiant.

Virtu-

Virtutes voluntarias esse, vitia inuoluntaria: peccatis tamen, quæ ab his proficiscuntur rectè supplicia decerni; hæcque inter se inæqualia.

C A P. XXIII.



Quoniam verò si quid aliud in nobis est, & quod alterius imperio non teneatur, eiusmodi sanè virtus est (non enim quod honestum, laudabile esset, si uel natura uel diuina sorte contingeret) hæc erit uoluntaria, nata ex impulsione quadam flagrante, generosa atque perminente. Ex eo igitur quod Virtus est uoluntaria, efficitur, uicium inuoluntarium esse. Quis enim uolens, in parte sui pulcherrima & præstantissima, eligat quod malorum omnium est maximum? At si quis in uicium ruit, non tanquam in uicium ipsum ruet; sed tanquam in bonum. Si quis autem accedit ad uicium, in eo omnino decipitur; quod hac uia, per minus quoddam malum, ad aliquod maius bonum aspirat: atque hoc pacto inuoluntariè accedit. Neque enim fieri potest, ut quis ruat in mala, eo animo ut hæc habeat: non spe aliqua boni, neque metu maioris mali.

mali. Et sanè, omnia, quæ improbus iniuste agit, in-
 uoluntaria sunt. Nam cum iniustitia, inuoluntaria
 sit: multo magis iniuste agere inuoluntarium erit: quo
 scilicet deterior est operatio ipsius iniustitiæ, eius-
 dem solo habitu. Quamquam uero iniuriæ, inuolun-
 tariæ sunt: decernenda tamen in eos qui iniuriam in-
 ferunt, supplicia; hæcque inter se differentia: quoni-
 am & ipse noxæ sunt differentes. Atque inuolunta-
 rium, in ignoratione quadam; uel in perturbatione
 consistit. Omnia autem talia, licet repellere, ratio-
 ne & consuetudine ciuili, atque diligentia. Tantum
 uero malum iniuria est, ut ferenda potius ea sit quam
 inferenda. Hoc enim, peruersi est; illud infirmi.
 Malum quidem utrumque: inferre tamen iniuriam eo
 deterius est, quo turpius. Prodest autem ei qui intu-
 lit, iniuriæ poenas dare: ut & ægrotanti, corpus, Me-
 dico curandum committere. Omnis enim castigatio,
 peccantis Animi medicina quædam est.

*Affectuum Definitio &
 Diuisio.*

CAP XXIIII.



Quoniam uero, Virtutes
 quam plurimæ circa affectus uersan-
 tur; quales hi, & quid sint, nobis
 constituendum. Est igitur motus ani-
 mi

mi rationis expers, ut ex bono quodam, aut ut ex
malo natus. Rationis uerò expers motus ideo di-
ctus est; quia affectus, nec iustitia sunt, nec opinio-
nes: sed partium Animi, quæ rationis expertes sunt,
quidam motus. In parte Animi, in qua perturba-
tiones, nostra quidem opera sunt, non tamen ille in
nostra potestate. Non igitur à nostra uoluntate
perficiuntur: imò plerunq; hanc repugnantem ha-
bent. quoniam interdum accidit, ut etiam si cogno-
scamus ea quæ inciderunt, neq; tristia esse, neq; iu-
cunda, sed nec terribilia; trahamur ab illis nihil-
ominus. quod certe non accideret, si perturbatio-
nes essent iudicia. quandoquidem iudicia respicimus,
hæc eadem improbantes, siue ita facto opus est, siue
minimè. Addidimus uerò, Vt ex bono, uel ut ex
malo; quia ex eo quod inter illa medium uel indiffe-
rens apparet, nullus motus in nobis concitatur: sed
omnes ex boni uel mali aliqua specie existunt. Bo-
num enim si adesse opinati fuerimus, uoluptate pro-
fundimur: si autem affore, concupiscimus. Atq;
cum malum adesse opinamur, dolemus: sin autem
futurum, metuimus. Affectus uerò omnium primi
& simplices aliorumq; quasi Elementa, duo sunt;
Voluptas & Dolor. Reliqui, ex his oriuntur.
Neq; in ijs Timor & Cupiditas quasi simplices
principesq; motus numerandi. Quoniam qui me-
tuit, non omnino uoluptate priuatus est. quippe,
qui

qui ne ad breuissimum quidem tempus durare possit,
nullam penitus mali liberationem uel leuationem
expectans. Magis tamen est in dolore atq; mole-
stia: atq; idcirco cum aliqua spe est coniunctus.
Qui uerò cupit; consequendi spe delectatur. Quia
autem hanc non satis firmam habet, angitur. Cum
uerò Cupiditas & Metus, non sint motus primarij;
manifestum est, nullum quoq; reliquorum in affe-
ctibus simplicibus debere uumerari. iram dico, de-
siderium, emulationem, ceterosq; motus eiusmodi.
In ijs enim sentiuntur Voluptas & Dolor; quasi
horum permixtione constant. De Affectibus au-
tem, quidam, efferati sunt; alij mitiores. Mites
quidem, quicunq; secundum naturam homini in-
sunt. Hi enim necessarij & familiares. Sic uerò
se habebunt quandiu moderati. peccabunt autem,
cum erumpentes, modum excedent. Eiusmodi ue-
rò sunt, Voluptas, Dolor, Ira, Misericordia, Ve-
recundia. Familiare enim est ijs quæ secundum
naturam sunt, delectari; contrarijs uerò, dolere.
Et ira quidem ad propulsandos & ulciscendos ini-
micos necessaria est. Misericordia, humanitatis
est propria. Verecundia, ad declinationem à rebus
turpibus accommodata. Agrestes autem & ferini
affectus, præternaturam hominum sunt, ex depra-
uatione uitæ, peruersaq; consuetudine orti. In quibus
insunt, irrisio, in alienis malis oblectatio, & hominū
odium. Qui siue intendantur, siue remittantur, atq;

quouis; modo se habeant, semper in malis sunt: quod
in iocritatem non recipiant. De Voluptate uero
& dolore, hoc Plato ait: eiusmodi Affectus, secun-
dum naturam quodammodo à principio in nobis con-
citari: cum tristitia & dolor accidunt his qui præter
naturam mouentur: uoluptas autem, in ijs, qui in
id restituuntur, quod secundum naturam est. Exi-
stimat enim constitutionem humanæ naturæ accom-
modatam, medium quiddam esse inter uoluptatem
& dolorem: cum illa in neutro horum est. Quo
in statu magnam uitæ partem degimus. Docet au-
tem propter quam causam multæ species sunt uolu-
ptatum, partim quidem secundum corpus, partim
uero secundum Animum. Voluptatum autem,
alias misceri contrarijs; alias, impermixtas purasq;
manere: & has quidem, ex præteritorum recorda-
tione nasci; alias, cum futurorum expectatione con-
cipi: nonnullas quoq; obscenas, quæ intemperantes
& cum iniuria; alias autem moderatas, & quo-
dammodo cum ipso bono coniunctas; ut gaudium in
bonis, & uoluptates, quæ ex uirtutibus percipiun-
tur. Atq; cum multæ uoluptates, ingenta naturæ
proprietas sint improbæ; nequaquam de his quæ-
rendum est, Vtrum omnino possint esse in bonis.
Languida enim nulliusq; præcij apparet ea uoluptas,
quæ alteri agnascitur: nec essentiam habet princi-
pem aut antecedentem. Cohæret enim cum suo con-
trario:

trario : si quidem cum dolore permiscetur. quod nequaquam contingeret, si horum unum, bonum esset omnino ; malum alterum.

De Amicitia.

CAP. XXV.



Amicitia, quæ maximè & propriè dicitur, non est alia quam quæ per naturam et reciprocam beneuolentiam constituta. Hæc uero tunc existit ; quando uterq; alteri, perinde ac sibi, optimè esse expetit. Ipsa autem equalitas, haud aliter ; quam per similitudinem morum conseruatur. Si quidem simile simili (si modo utrunq; moderatum) amicum est : immoderata uero, neq; inter se, neq; cum moderatis, possunt conuenire. Aliæ etiam amicitie esse putantur, hæq; uirtutis quadam specie quasi coloratæ ; ut naturalis parentum in liberos, & cognatorum inter se ; & quæ civilis dicitur ; & quæ sodalitia. Hæ autem non semper adiunctam habent mutuam beneuolentiam. Eius quoq; species quædam est amatoria. Est autem amatoria, quæ honestas animi generosi : deprauata, peruersi : media uero, eius qui medio modo est affectus. Quemadmodum igitur triplex est habitus

E 3

Animi,

Animi, in animali quod rationis est particeps; unus
quidem, rectus; alter, deprauatus; tertius, inter
hos medius: sic tres amatorij affectus specie diffe-
rentes. Idq; ita esse, fines horum diuersi declarant.
Deprauatus enim, solius corporis, à uoluptate cui-
ctus: ideoq; hic belluarum existit. Non estus, ad so-
lum Animum pertinet: quatenus in hoc, quedam
ad uirtutem aptitudo apparet. Medius, utriusq;
est appetens: pulchritudinis scilicet eius, quæ tum
animo, tum corpori inest. quo amore, qui dignus
est, & ipse medius existit, neq; deprauatus, neq;
omnino honestus. Quare amorem, ut sic dicam, in-
corporatum, demonem potius appellare decet;
quàm Deum, nunquam in terrenum corpus demer-
sum; qui diuina ad homines, contraq; humana ad
Deos, communiter transmittit. Rursus uerò cum
amatorius affectus in tres species sit distributus; bo-
ni quidem uiri amor, perturbatione liberatus; arti-
ficiosus quodammodo est: ideoq; in ea parte animi
consistit, cuius est Ratio. De eo autem quæ præci-
pi solent, hæc sunt: dignoscere quis amore dignus
sit, eundemq; sibi parare & frui. Dignoscit autem
ipsum, ex eius institutis & impulsione: si nobi-
les sunt: si ad id quod honestum est, ferantur; si
uehementes; si flagrant. Parabit autem eum,
non lasciuiendo, neq; demulcendo, quem in delitijs
sit, habiturus: sed ista potius reprimendo, de-
monstran-

monstrandoq; non esse cur sic affectus uelit uiuere.
Cum autem amatum euicerit, ille fructur, ad ea exhortans in quibus exercitatus, erit aliquando perfectus. Finis uero amantis, & amati erit, fieri amicos.

De speciebus Reipublicæ & ciuium ordinibus.

CAP. XXVI.

DE Rerumpublicarum formis, quasdam esse ait Suppositas, quas libris de Repub. percurrit. In ijs enim priorem quidem descripsit, bellorum expertem: alteram uero ardentem & bellicam; in ijs inquirens optimam; & quomodo hæc constituenda. Nonnunquam & secundum animi diuisionem Rempub. in tres partes distribuit, in custodes, propugnatores & opifices. Quorum primis hoc tribuit, ut consulant & imperent: secundis, ut cum opus est, armis Rempublicam tueantur, qui irascendi facultati respondeant; quasi cum ipsa ratione in pugnam incumbentes; postremis, relinquit artes & alias operas. Principes autem uult esse Philosophos, & Primi boni Contemplatores. Hac enim una ratione, eos rectè omnia administraturos: nec unquam

res humanas malis omnibus liberari posse, nisi aut
Philosophi regnent, aut qui reges appellantur, diui-
na quadam sorte uerè philosophentur. Tum uerò
futurum, ut optimè atq; iustè ciuitates regantur; cum
singula earum partes suis legibus uiuent: ita, ut
Principes, populo consilium dent: his, Propugnato-
res seruiant; pro eisdemq; in primis prælientur: hos
autem, reliqui obedientes sequantur. Reipub. quinq;
formas esse dicit. Primam, Aristocraticam; quan-
do optimates imperant: secundam, Timocraticam;
quando ambitiosi regnant: tertiam, Democraticam,
siue popularem: quartam, Oligarchicam, siue pau-
corum potentiam: postremam, Tyrannidem; omnium
pessimam. Describit quoq; alias Respublicas ex sup-
positione, in quibus ea est, quæ libris de legibus in-
stituitur, & quæ aliarum correctionem habet, in
Epistolis. Quæ, apud eas ciuitates utitur, quas ægro-
tare dixerat libris de Legibus, iam locum definitum
habentes, & homines ex omni ætate delectos: qui se-
cundum naturæ differentias & locorum, disciplina
propria egcant, & educatione, armorumq; tracta-
tione. Qui enim maritimi; nauigationi studeant,
& nauali prælio decertent. Qui autem mediterræ-
neam regionem incolunt; ad pedestrem pugnam se
comparent: ut ad armaturam, leuiorem quidem, qui
in locis montosis: ad grauiorem, qui uiuunt in cam-
pis. frequentes colles habentibus. Nonnulli, quoq;
eorum

eorum, equestrem pugnam exerceant. Neq; uerò in hac ciuitate, mulieres communes, sua lege sancit. Est igitur ciuilis uirtus in contemplando & in agendo posita: cui propositum est, ciuitatem bonam beatamq; efficere, & sibi omni ex parte consentientem. Eadem, rerum ordinem præscribit, sibiq; subiectam habet artem bellicam, & imperatoriam, eamq; quæ iudicia exercet. Considerat quidem disciplina ciuilis, & alia infinita; sed hoc etiam, Bellane gerenda sint, an non.

*Sophistæ & Philosophi discrimen
& quæ ratio non Entis ad
Ens.*

CAP. XXVII.



Valis uerò *Philosophus*, cum antea dictum sit; ab hoc differt *Sophista*, moribus; quia hic ex iuuenibus questum facere studet; & quod bonus ac honestus haberi mauult, quam reuera esse. Materia uerò; quod *Philosophus* in illis uersetur, quæ semper eadem sunt, & eodem modo se habent: *Sophista*, in eis quæ non sunt, secedens in locum, in quo, propter tenebras non apparet.

E S

Enti

Enti autem non opponitur, non ens. "Siqui-
dem hoc, nec existit; nec intelligi potest; nec illam
existentiam habet, quod quidem, si quis, uel uoce ex-
primere, uel cogitatione complecti conetur, aberrat-
bit. Quoniam in se dissidentia complectetur. Est
autem non Ens, pro ut auditur, non nuda negatio
Entis; sed subindicat aliquid relatum ad alterum:
quod quidem, aliquo modo Enti adiungitur. ut nisi
ipsum aliquid Entis assumerit, ab alijs distingui
non possit. Nunc autem, quot sunt Entia; tot mo-
dis, non ens, dicitur. Quoniam, quod non est
quoddam ens; id est non ens. Hæc uero ad insti-
tutionem in Platonis doctrinam sufficiant. De qui-
bus quedam fortasse suo ordine; alia, sparsim &
inordinate: sic tamen sunt omnia exposita, ut ex
ijs quæ tradita sunt, per consequutionem li-
ceat contemplari & inuenire reliqua
eiusdem decreta.



2774.

38

EX CABALA
PYTHAGORÆ
Symbolica.

I.

IN Templum abiens procide, nihil
aliud medium seculare neq; dic, neq;
fac.

II.

Non obiter introeundum in templum,
neq; in via adorandum, neq; si ante
fores ipsas astiteris.

III.

Discalciatus sacrifica & adora.

IIII.

De Dijs nihil admirabile diffidas.

V.

Incredulus ne sis.

VI.

Populares vias declinans, per semitas
perge.

Absti

VII.

*Abstine melanuro. mortaliū enim est
Deorum.*

VIII.

*Linguam ante alia contine, Deos se-
quens.*

XIX.

Ventis flantibus Echo adores.

X.

Ense ignem ne cædito.

XI.

*Viro imponente pondus, simul eleua:
deponentem ne iuues.*

XII.

*Ad calciandum, dextrum indue pedem:
in peluim sinistrum.*

XIII.

Sine lumine de Pythagoræis ne garrias.

XIIII.

Stateram ne supergrediare.

XV.

*Peregre é domo proficiscens, ne conuer-
tere: Furia enim transeunt.*

Ad So:

XVI.

Ad Solem ne micturies,

XVII.

Lampade sedem ne abstergas.

XVIII.

*Callum enutrias, sed non sacrifices: Lu-
nae quippe et soli Sacer est.*

XIX.

In semodio ne sedeas.

XX.

*Nil educes quod unguibus instructum
sit aduncis.*

XXI.

In via non scindas.

XXII.

Dei typum annulo ne imprime.

XXIII.

Circa laternam ne speculari.

XXIV.

*Penes sacrificium ne sis cæsis ungui-
bus.*

XXV.

*Dextram non cuius faciliè injice.**Stratis*

XXVI.

*Stratis exurgens, ipsa complica, &
figuram confunde.*

XXVII.

Cor ne vores.

XXVIII.

Cerebrum ne comedas..

XXIX.

*Vnguium criniumq; præsegmina ne
commingito.*

XXX.

Rubicundum ne assume.

XXXI.

Ollæ vestigium ne obliteres.

H A F N I Æ

Apud Iohannem Stockelmannum & An-
dream Gutteruitz


1 5 7 4

2114.

40

6

ne



2/14.